

# НЭ'МА ПАВЛОСЭ ПЕШЬН КОРЬНТ'ИЙАР'А

## Пешготын

Корьнт' бажарэки Йунаньстанейи<sup>Ф</sup> э'йан бу, эв п'айт'эхте қэза Ахайайейэ Р'омайе бу. Бь дэсте Павлос һ'име шьвина<sup>Ф</sup> Мәсиһ ль вьр һатэ данине, гава дэма р'ежитийа хвэйэ дөдада эв ль вьр 18 мәнә ма (К'аред Шандийа 18:11, 18). Корьнт' бажарэки гөл у гэш у нави-дэнт бу, нэ кө т'эне алийе т'өшарэтийеда<sup>Ф</sup>, ле өса жи алийе р'абун-р'уныштъне, занэбун у һ'эбандьнеда, чьмки һәр мьлэт ль вьр дьман. Ле бэле аликива жи бенамусийеда һ'эвла хвэ дөвле авитьбун. У ве йөке гэлэки һ'өкөми сэр шьвина ну дькьр у һәр шур'э зэ'мэти пешда дани.

Аһа к'ьфш дьбэ кө эва нэ'ма незики сала 54-а Эфэседа корьнт'ийар'а һатийэ нъвисаре, дэма р'ежитийа Павлосэ 3-а (Корьнт'и I, 16:8; К'аред Шандийа 19:1). Шанди<sup>Ф</sup> бь ве нэ'ме сэр ван пьрса дьсэкьнэ, к'ижан кө сэр э'мьре шьвина ну бьбунэ гьрани, өса жи сэр һэлэқэтийа ван р'абун-р'уныштън у чь кө бавэрийа<sup>Ф</sup> бавэрмэндава гьредаи бу.

Хэме Павлос дөп'а бона дөтирэтийа шьвине у ч'э'вдэрийа<sup>Ф</sup> ван бу (сэред 1-е һ'эта 6-а). Ёса жи эв пьрсед һ'ал-зөваше (сэре 7-а), исафе<sup>Ф</sup> (сэред 8-а һ'эта 11:1), қөйдэ-қанунед шьвине, п'ешк'ешед<sup>Ф</sup> Р'өһ'е<sup>Ф</sup> Пироз (сэред 11-а һ'эта 14-а) у фькьра р'абуна мьрийа (сэре 15-а) э'нэнэ дькэ. У к'ур дьдэ к'ьфше, кө Мьзгини<sup>Ф</sup> чава ван пьрса дьньһер'э у шаба ван дьдэ.

Сэре 13-да дэрһөқа һ'ьзкьрьнеда хэбэр дьдэ, кө эв жь Хвэдеда мерьвр'а п'ешк'ешөкэ һөрө мэзын э. Бөлки эв сэри п'ара һөрө э'йан э, нава ве п'ареда.

**Сэрэшэма фькьра нэ'ме**

Пешготьн (1:1-9)

Дөтирэтийа нава шьвине (1:10—4:21)

Пьрса бона һ'ал-зэwаше (5:1—7:40)

Пьрса исафе у хwэ дур хwэйкьрьна бawэрмэнда жь  
р'aw-р'ъзьмед<sup>ф</sup> мьлэта (8:1—11:1)

Ә'мыр, һ'эбандьн у т'эрбэтийа шьвине (11:2—14:40)

Р'абуна Мәсиһ у бawэрмэнда жь мьрьне (15:1-58)

К'омэкт'опкьрьна бawэрмэнда бона шьвина Щьһустане<sup>ф</sup>  
(16:1-4)

Чэнд т'ьвдиред Павлос у пашготьн (16:5-24)

**Сьлавкьрын**

**1** <sup>1</sup> Жь Павлосе кö бь ә'мыре  
Хwэде шандитийа<sup>ф</sup> Мәсиһ  
Исар'а газикьри, т'эви Состе-  
нисе бьра,

<sup>2</sup> шьвина<sup>ф</sup> Хwэдейе Корьн-  
т'ер'а, бөһөрти-жьбарэбуийед  
йэктийа Мәсиһ Исада, йед  
пирозбунер'а<sup>ф</sup> газикьри, т'эви  
ван һ'эмуйед кö һәр дэра гази  
наве Хөдане<sup>ф</sup> мә Иса Мәсиһ  
дькьн, Әw Хөдане ван у мә йә:

<sup>3</sup> Дә бьра к'эрәм<sup>ф</sup> у ә'дылайи-  
йа Хwэдейе Баве<sup>ф</sup> мә у Хөдан  
Иса Мәсиһ ль wә бә.

**Шькьрдарийа Павлос**

<sup>4</sup> Әз һәр гав бона wә шькьри-  
йе дьдьмә Хwэдейе хwә, бона  
we к'эрәма<sup>ф</sup> Wi, йа кö бь сайа

Мәсиһ Иса wәр'а һатийә дайи-  
не. <sup>5</sup> Бәле һун бь йэктийа Wi  
һәр тыштида дәwлэти бун, һәр  
хәбәрдане у һәр занәбунеда.  
<sup>6</sup> Ёинкьрьна дәрһәqа Мәсиһ-  
да нава wәда һ'име хwә öca  
гьртийә, <sup>7</sup> кö һун кемасийа т'ö  
п'ешк'еше<sup>ф</sup> нак'ьшиньн, гава  
һивийа хөйабуна Хөдане мә  
Иса Мәсиһ ьн. <sup>8</sup> Әwe wә һ'эта  
хьлазийе һ'имгьрти хwэй кә,  
кö һун Р'ожа һатьна Хөдане мә  
Иса Мәсиһ беләк'ә бьн. <sup>9</sup> Амьн  
ә әw Хwэдейе кö гази wә кьр,  
wәки һун т'эви Көр'е Wi Иса  
Мәсиһе Хөдане мә бьн.

**Дөтирэтийа шьвина  
Корьнт'еда**

<sup>10</sup> Дә әз иди һиви жь wә  
дькьм хушк-бьрано, бь наве

Хөдане мә Иса Мәсiһ, бьра готьна вә һ'әмуя йәк бә у дөтирәти нава вәда т'өнәбьн, ле һ'әму жи бь һәвр'а бьн у сәр нет-мәрәмәки бьн. <sup>11</sup> Чьмки мьн сальхе вә жь мала Хьлойе һьлда хушк-бьрано, кә нава вәда дә'w-доз һәнә. <sup>12</sup> Ава готи дьхвазьм бежьм, вәки нава вәда йәк дьбежә: «Әз Павлоси мә», йәк дьбежә: «Әз Аполойи мә», йәк жи дьбежә: «Әз Пәтруси<sup>ф\*</sup> мә» у йәки дьн жи дьбежә: «Әз Мәсиһи мә». <sup>13</sup> Чьма Мәсiһ п'арәвәбуйи йә? Чьма Павлос бона вә хач<sup>ф</sup> буйә? Йан бь наве Павлос һун пе аве һатьнә ньхөмандьне<sup>ф</sup>? <sup>14</sup> Әз жь Хвәде р'ази мә, кә мьн жь вә т'ө кәс нәнхөманд, пештьри Кьриспо у Гайос. <sup>15</sup> Ньһа т'ө кәс нькарә бежә, кә һун бь наве мьн һатьнә ньхөмандьне. <sup>16</sup> (Р'аст ә мьн мала Стәйфан жи ньхөманд. Ле вәки майин найе бира мьн, кә мьн йәки дьн ньхөмандьбә.) <sup>17</sup> Чьмки Мәсiһ әз ньхөмандьнер'а нәшандьм, ле Мьзгинидайинер'а<sup>ф</sup> у әз ве йәке

надьмә зора хәбәр дана зьмен, кә нәбә қәвата хаче Мәсiһ бәр тыштәки нәйе һ'әсабе.

**Мәсiһ қөдрәта Хвәде у сәрвахтия<sup>ф</sup> Хвәде йә**

<sup>18</sup> Р'аст ә һинкьрьна дәрһәқа хачда ондабуйи ар'а бей'ыши йә, ле мә хьлазбуйи ар'а<sup>ф</sup>, қәвата Хвәде йә. <sup>19</sup> Чава ньвисар ә:

«Әзе сәрвахтия<sup>ф</sup> сәрвахта онда кьм у билантия<sup>ф</sup> билана бәтал кьм»\*.

<sup>20</sup> К'анен сәрвахт? К'анен занә? К'анен ақьлмәндед ве дьнйа-йе? Нә сәрвахтия ве дьнйае Хвәде кьрә бей'ыши? <sup>21</sup> Чьмки сәрвахтия Хвәде нәһьшт кә дьнйа бь сәрвахтия хвә Ви нас кә, ле ль Хвәде хвәш һат, бь ве һинкьрьна «бей'ыши» йед кә бавәр дькьн хьлаз<sup>ф</sup> кә. <sup>22</sup> Щьһу<sup>ф</sup> к'әрәмәта дьхвазьн у йунан жи сәрвахтије дьгәр'ьн. <sup>23</sup> Ле әм, Мәсиһе хачбуйи даннасин дькьн, щьһуйар'а п'ьшкбун<sup>ф</sup> ә, нәщьһуйар'а<sup>ф</sup> жи бей'ыши, <sup>24</sup> ле бона йед кә Хвәде гази ван дькә, һәгәр щьһу бьн, һәгәр нәщьһу,

\* <sup>1:12</sup> Бь йунани хәбәр бь хәбәр аһа йә: «Кифас». «Кифас» бь зьмане арами<sup>ф</sup> те фә'мкьрьне: «Пәтрус».

\* <sup>1:19</sup> Ишайа 29:14.

әw хәбәр Мәсiһ ә, qәwата Хwәде у сәрwахтия Хwәде. <sup>25</sup> Чьмки әw кьред Хwәдейә кӧ бәр ч'ә'ве мәрва<sup>ф</sup> бех'ыши хӧйа дьбьн, әw жь сәрwахтия мәрвайе сәрwахттьр ьн у бәр ч'ә'ве мәрва чьqас сьстийа Хwәде хӧйа дьбә, әw жь qәwата мәрвайе qәwаттьр ә\*.

<sup>26</sup> Дина хwә бьдье хушк-бьрано, һун к'и бунә кӧ Хwәдеда һатьнә газикьрьне: Алиие дьнеда жь wә гәләк нә сәрwахт бунә, жь wә гәләк дьнеда нә зор бунә у нә жи жь wә гәләк малед р'әнгинда бунә. <sup>27</sup> Ле Хwәде бех'ышедьне бьжартьн, wәки сәрwахта бьдә шәрме у сьстедьне бьжартьн, wәки йед qәwат бьдә шәрме <sup>28</sup> у Хwәде йед дьнебехәбәрә бер'умәт у йед нә т'ӧ тышт бьжартьн, кӧ һәйинед бәрбч'ә'в р'әт кә һәр'ә, <sup>29</sup> wәки т'ӧ qул-бәндә ль бәр Хwәде пе хwә нәфьр'ә. <sup>30</sup> Әwi һун т'әви Мәсiһ Иса

кьрьн у Мәсiһ бона мә кьрә сәрwахти. Әм бь Wi р'аст<sup>ф</sup> тенә һ'әсабе, пироз<sup>ф</sup> у аза дьбьн. <sup>31</sup> Аwa чаwa ньвисар ә: «Йе кӧ дьфьр'ә, бьра бь Хӧдан бьфьр'ә»\*.

### Һинкьрьна дәрһәqа Исайе хачбуида

**2** <sup>1</sup> Әз жи гава һатьмә щәм wә хушк-бьрано, әз бь хәбәр йан сәрwахтия к'әмалә гьран нәһатьм сӧр'а\* Хwәде wәва ә'йан кьм. <sup>2</sup> Чьмки гава әз нава wәда бум, мьн нета хwәда данәни кӧ тыштәки дьн һин кьм\*, пештьри Иса Мәсiһ у Әw жи Йе хачбуий. <sup>3</sup> Әз хwәха һ'аләки сьстда, бь хоф у тырс нава wәда бум. <sup>4</sup> У готьн у һинкьрьна мьн, нә кӧ бь хәбәрәд сәрwахтия мәрвайийә зархwәшийе бу, ле бь избатийа qәwата Р'ӧһ'e<sup>ф</sup> Пироз бу\*. <sup>5</sup> Әв йәк аһа бу, wәки баwәрийа<sup>ф</sup> wә бь сәрwахтия

\* <sup>1:25</sup> Бь йунани хәбәр бь хәбәр аһа йә: «Чьмки бех'ышийа Хwәде жь (сәрwахтия) мәрва сәрwахттьр ә у сьстийа Хwәде жь (qәwата) мәрвайе qәwаттьр ә».

\* <sup>1:31</sup> Йерәмийа 9:24.

\* <sup>2:1</sup> Нав һнәк дәстньвисарада аһа йә: «Ш'дәти» (чаwa «һинкьрьн»).

\* <sup>2:2</sup> Бь йунани хәбәр бь хәбәр аһа йә: «Заньбьм». Аwa готи Павлос нәхwәст пештьри Иса тыштәки дьн чаwa занәбун һин бькьра.

\* <sup>2:4</sup> Аһа жи те фә'мкьрьне: «Ле әв йәк хӧйабуна qәwата Р'ӧһ'e Пироз бу».

мәрвайе нибә, ле бь қәвата Хвәде бә.

### Сәрвахтия Хвәде

6 Ле бәле дәрһәқа сәрвахтийеда әм йед р'өһ'анийә гь-һиштир'а хәбәр дьдн, ле нә сәрвахтия ве дьне у нә жи йа сәрверед ве дьне, кө һ'ө-көме ван бәтал дьбә. 7 Ле әм дәрһәқа сәрвахтия Хвәдейә сөр'ә вәшартида хәбәр дьдн, йа кө Хвәде һе бәри ә'фьран-дьна дньайе, бона р'умәта мә қьрар кьр. 8 Жь сәрверед ве дньайе т'ө кәси әв сәрвахтия фә'м нәкьр, чьмки һәгәр фә'м бькьрана, ве Хө-дане р'умәте хач нәкьрана.

9 Ле чава ньвисар ә:

«Әв тыштед кө ч'ә'ва нәди-  
тнә у гөһа нәбьһистнә,  
дьле<sup>ф</sup> мерьвр'а дәрбаз нә-  
бунә,

Хвәде бона ван һазьр кьрнә,  
йед кө Ви һ'ыз дькьн»\*.

10 Ле бәле Хвәде бь Р'өһ'е Хвә әв йәк ль бәр мә вәкьр. Чьмки Р'өһ' һәр тышти ә'нә-нә дькә, һ'әта нет-мәрәмед

Хвәдейә к'ур жи. 11 К'и һаш жь кел-мә'нийед мерьв һәйә, пештьри ви р'өһ'е нава вида? Өса жи кәс һаш жь йа Хвәде т'өнә, пештьри Р'өһ'е Хвәде. 12 Мә нә кө р'өһ'е ве дньайе стандийә, ле әв Р'өһ'е жь Хвәде, вәки әм ван тыштед жь Хвәдеда мәр'а дайи фә'м бькьн. 13 Әм бона ван тышта бь готьнед жь сәрвахтия мәрвайе һинбуий хәбәр на-дьн, ле бь готьнед һинкьрьна жь Р'өһ'е Хвәде хәбәр дьдн, тыштед р'өһ'ани ванр'а шьро-вәдькьн, йед кө хвәйи-Р'өһ'е Хвәде нә\*. 14 Ле мәрве нәх-вәйи-Р'өһ' ван тыштед Р'өһ'е Хвәде қәбул накә, бь йа ви әв йәкана бех'ыши нә у нькарә жи фә'м бькә, чьмки һ'але ван тышта бь р'өһ'ани тенә ә'нәнә-кьрне. 15 Ле йе хвәйи-Р'өһ'е Хвәде һәр тышти ә'нәнә дькә, ле бәле хвәха жь кәсәки найе ә'нәнәкьрне. 16 Чава ньвисар ә: «К'е нет-фькьра Хөдан пе һ'әсийа, кө ширәтәке бьдә Ви?»\* Ле нет-фькьра Мәсиһ сәре мәда йә.

\* 2:9 Ишайа 64:4.

\* 2:13 Аһа жи те фә'мкьрне: «Тыштед р'өһ'ани, бь р'өһ'ани шьровәдькьн».

\* 2:16 Ишайа 40:13.

Қо́льхк'аред Хвәде

**3** <sup>1</sup>Ле мьн хушк-бьрано, нь-карьбу т'эви вә хәбәр да чава т'эви йед хвәйи-Р'өһ'е Хвәде, ле чава т'эви бәндед ве дьне, чава т'эви хьшимед бавәрийа Мәсидә. <sup>2</sup>Мьн шир да вә, ле нә кө хварьна гьран, чьмки вә һе нькарьбу бьхвара. У хун ньһа жи нькарын бьхвьн, <sup>3</sup>чьмки хун һәла һе мина бәндед ве дьне нә. И'эта кө нава вәда һ'әвсуди у һәвр'ьк'и\* һәнә, гәло әв йәкана нә мәрьвайи нә? У хун мина бәндед ве дьне нажин? <sup>4</sup>Мәсәлә кө гава йәк дьбежә: «Әз Павлоси мә» у йе дьн: «Әз Аполойи мә», хун нә мина бәндед ве дьне нә?

<sup>5</sup>Иди к'и йә Аполо? К'и йә Павлос? Әв қо́льхк'аред Хвәде нә, бь к'ижана вә бавәр кьр. Хөдан чьқас шьхөл дайә ван һәр кәси, һақаси жи дькьн. <sup>6</sup>Мьн дач'ьканд, Аполо авда, ле Хвәде гиһанд\*. <sup>7</sup>Ава нә йе дач'ьканд тыштәк ә, нә жи йе авда, ле йе гиһанд, кө Хвәде йә. <sup>8</sup>Йе дач'ьканд у йе авда йәк ьн

у һәр кәсе һәқе хвә бьстинә, вәкә хәбата хвә. <sup>9</sup>Чьмки әм т'әвайи бона Хвәде дьхәбьтьн, хун жи зәвийа Хвәде нә, авайийе Хвәде нә.

<sup>10</sup>Мьн жи вәкә ве к'әрәма кө Хвәде да мьн, мина чирәдәстәки<sup>ф</sup> сәрвахт һ'им авит, ле йәки дьн сәр чедькә. Ле бәле т'әне бьра һәр кәс һаш жь хвә һәбә, чава чедькә. <sup>11</sup>Чьмки һ'имәки дьн кәсәк нькарә бавежә, пештърйи йе авити, кө Иса Мәсидә. <sup>12</sup>Ль сәр ви һ'ими йәк дькарә бь зер', зив, кәвьред қимәт, дар, гиһе, йан кайе чекә, <sup>13</sup>ле бь чь тышти жи чекә, шьхөле һәр кәси ве ә'йан бә, чьмки әв Р'ож ве бьдә к'ьфше, әве бь егьр ә'йан бә у кьре һәр кәси чь һ'алида бә, агьре бьшер'ьбинә<sup>ф</sup>. <sup>14</sup>Һәгәр шьхөле йәки сәр ви һ'име чекьри бьминә, әве һәқ бьстинә, <sup>15</sup>ле һәгәр шьхөле йәки бьшәвьтә, әве зийане бьк'ьшинә, ле хвәха ве хьлаз бә, чава йәки нава егьрр'а дәрбазбуи.

<sup>16</sup>Чьма хун ньзаньн кө хун п'арьстгәһа<sup>ф</sup> Хвәде нә у Р'өһ'е Хвәде нава вәда дьминә?\*

\* <sup>3:3</sup> Нав һьнәк дәстньвисарада әв жи һәйә: «Дөтирәти».

\* <sup>3:6</sup> К'аред Шандийа 18:4-11; 18:24-28.

\* <sup>3:16</sup> Корьнт'и I, 6:19; Корьнт'и II, 6:16.

17 Һәгәр йәк п'арьстгәһа Хwәде  
wеран кә, Хwәде жи we wi wеран  
кә, чьмки п'арьстгәһа Хwәде  
пироз ә у һун ьн әw п'арьстгәһ.

18 Бьра т'ө кәс хwә нәхапинә.  
Һәгәр йәк жь wә ль гора қәйдед  
ве дьнайе хwә сәрwахт дьбинә,  
бьра бьбә бей'ыш, wәки бьбә  
сәрwахт. 19 Чьмки сәрwахтия  
ве дьнайе ль бәр Хwәде бе-  
һ'ыши йә. Чава ньвисар ә: «Әw  
сәрwахта нава һ'ьләк'арийа  
wанда дьгьрә»\* 20 у диса: «Хө-  
дан занә кә шевьред сәрwахта  
п'уч' ьн»\*. 21 Дә бьра иди т'ө кәс  
пе мәрьва нәфьр'ә! Бәле һәр  
тышт жи п'ара wә нә. 22 Павлос,  
Аполо, Пәтрус\*, дьняя, жийин,  
мьрьн, тыштед кә ньһа һәнә,  
йан йед we бен, һәр тышт п'ара  
wә нә, 23 һун жи п'ара Мәсһ  
ьн у Мәсһ жи п'ара Хwәде йә!

### Бәрдәстийед Мәсһ

**4** 1 Аwа гәрәке мәрьв мә өса  
һ'әсаб кьн, чава бәрдәсти-  
йед Мәсһ у wәк'илед сөр'ед  
Хwәде. 2 Жь wәк'ил жи дьк'әwә  
кө әw амьн бә. 3 Ле бона мьн әв  
йәк нә т'ө тышт ә, кө фькьред

wә йан йед диwана мәрьвайе  
сәр мьн чь нә, әз хwәха жи  
лома ль хwә накьм. 4 Исафа  
мьн р'ьһ'әт ә, нә кө бь ве йәке  
әз хwә софи дькьм, ле һ'акьме  
мьн Хөдан ә. 5 Аwа жь wәхт зу-  
тьр лома нәкьн, һ'әта һатьна  
Хөдан. Әwe тыштед тә'рийеда  
wәшарти дәрхә р'онайе у ше-  
вьред дьла<sup>ф</sup> бьдә ә'йанкьрьне.  
У һьнге һәр кәсе қимәте хwә  
жь Хwәде бьстинә.

6 Әв йәкана хушк-бьрано, мьн  
бона wә анинә сәр хwә у Аполо,  
wәки һун ве йәке жь мә һин  
бьн: «Жь ньвисаре дәрнәйен».  
Һьнге жь wә т'ө кәс we йәк пе  
йәки нәфьр'ә. 7 К'и тә жь хәл-  
қе фьрқи дькә? Чи тә һәйә, кө  
тә п'ешк'еш<sup>ф</sup> нәстандийә? Ле  
wәки тә стандийә, чьма п'әйе  
хwә дьди чава тә нәстандьбә?

8 Һун иди т'ер бунә, иди һ'ьр'  
бунә! Бейи мә иди бунә п'адша!  
Ах хwәзи һун бьбуна п'адша,  
әме жи т'әви wә бьбуна п'ад-  
ша! 9 Чьмки әз т'әхмин дькьм,  
кө Хwәде әм шанди авитьнә  
пашийа к'оч'а, чава жь мь-  
рьнер'а дайи. Әм дьнеда бунә

\* 3:19 Ибо 5:13.

\* 3:20 Зәбур 94:11.

\* 3:22 Бь йунани хәбәр бь хәбәр аһа йә: «Кифас».

итойин<sup>ф</sup>, һын ль бәр мьлайк'э-та<sup>ф</sup>, һын жи бәр мәрва. <sup>10</sup> Эм беһ'ыш ын бона Мәсиһ, ле һун сәрвахт ын йәктия Мәсиһда! Эмә сьст ын, ле һунә қәват! Һунә хвәйир'умәт ын, ле әмә бер'умәт! <sup>11</sup> Һ'эта ньһа жи әм бьр'чи дьминьн, т'и дьминьн, бе сьт'ар дьбьн, тенә к'отане у дәро-дәр дьбьн. <sup>12</sup> Эм бь дәсте хвә дьхәбьтн, бь худана хвә дьжин. Гава мә р'әзил дькьн, әм дәа ль ван дькьн, гава мә дьзериньн, әм сәбьр дькьн, <sup>13</sup> гава наве мәр'а дьлизьн, әм ль бәр ван дадьхьн. Эм бунә гәмара ве дьнйәйе, һ'эта ньһа жи һәр тьштида бунә хвәли!

<sup>14</sup> Эз ве йәке вәр'а дьнвьисьм, нә кә вә бьдмә шәрме, ле вәки вә мина зар'ед хвәйә дәлал ширәт кьм. <sup>15</sup> Һәгәр we жийина вәйә т'әви Мәсиһда бь һ'әзара т'әрбәтдаред<sup>ф</sup> вә һәбьн, ле т'әне бавәки вә һәйә, чьмки we жийина вәйә т'әви Мәсиһ Исада һун жь мьн бь Мьзгинидайине дьне к'әтн. <sup>16</sup> Ава һиви жь вә дькьм, ч'ә'в

бьднә мьн\*.\*\* <sup>17</sup> Бона ве йәке мьн Тимот'ейо сәр вәда шанд, лаве хвәйи дәлал у һындава Хөданда амьн. Эве ван р'е-дьр-бед мьнә Мәсиһ Исада гьрти бькә бира вә, кә әз чава ль һәр дәра, һ'әму шьвина һин дькьм.

<sup>18</sup> Һьнәк жь вә бабах бунә, ван т'ьре<sup>ф</sup> әзе нәйемә шәм вә. <sup>19</sup> Ле әзе зутьрәке сәр вәда бем, һәгәр Хөдан һ'ыз бькә у әзе нә кә ль готьнед бабаха бьньһер'ьм, ле һ'өнөрәд ван. <sup>20</sup> Чьмки П'адшатийа<sup>ф</sup> Хвәде нә кә хәбәрданеда йә, ле һ'өнөрда йә. <sup>21</sup> Һун чава дьхвазьн? Эз бь к'өлме сәр вәда бем, йан бь һ'ызкьрьне у бәрбьһерийе?

### Зьрара бенамусийа шьвинеда

**5** <sup>1</sup> Дәнг һәйә кә нава вәда бенамуси жи һәйә у әв жи бенамусикә өса, вәки нава п'утп'арьстада<sup>ф</sup> жи т'өнә, кә йәк дәст давежә демар'ийа хвә\*. <sup>2</sup> У һун жь к'өбарийе һ'ьр' бунә! Нә гәрәке вә шин бькьра у йе хвәйе ви кьри жь нава хвә дәрхьста? <sup>3-4</sup> Ле бәле

\* 4:16 Корьнт'и I, 11:1; Филипи 3:17.

\*\* 4:16 Нав һьнәк дәстньвисарәд пашвәхтийеда әв жи һәйә: «Чава мьн жи ч'ә'в да Иса».

\* 5:1 Қануна Дөшари 22:30.



чава эз бэдэни нэ нава вэда мэ, ле р'öh'е хвэда назр ым у чава йэки назр, мьн иди бона йе ви тышти дькэ қрара хвэ бь наве Ходане мэ Иса дайэ. Гава хун щики дыщывьн, р'öh'е мьн жи т'эви вэ, бь қəwата Ходане мэ Иса <sup>5</sup>ви мэрьви бьднэ дэсте мирещьн<sup>ф</sup>, кө қальбе ви онда бэ у р'öh'е ви хьлаз бэ Р'ожа<sup>ф</sup> Ходанда.

<sup>6</sup>Нэ қэнщ э кө хун фьр'нақ дьбьн! Гэло хун ньзаньн кө һьнэк һэвиртьр'шк<sup>ф</sup> т'эмамия шкэве һьлтинэ? <sup>7</sup>Ви һэвиртьр'шке кэвьн жь хвэ дур хьн, кө хун бьбьнэ һэвире нуйи бе һэвиртьр'шк, чава хун өса нэ жи. Чьмки Бэрхе мэйи Щэжьна Дэрбазбуне<sup>ф</sup>, ава готи Мэсиг бона мэ һатэ сэржекьрьне. <sup>8</sup>Дэ эм ве щэжьне дэрбаз кьн, нэ кө бь һэвиртьр'шке кэвьни нэһэдийе у хьрабийе, ле бь нане бе һэвиртьр'шк, бь нане һ'элалийе у р'астийе\*.

<sup>9</sup>Мьн вэр'а нэ меда ньвисибу, кө т'эви қава<sup>ф</sup> нэбьн. <sup>10</sup>Нэ кө готьна мьн дэрһэқа қава, тьмак'ара, т'аланкьр йан п'утп'арьстед ве дьнеда бу. һэгэр өса

буйа, гэрэке хун лап жь дьне дэрк'этана. <sup>11</sup>Ле бэле мьн вэр'а ньвиси, кө хун т'эви ви нэбьн, йе кө наве хвэденасийе сэр э, ле қав э, тьма йэ, п'утп'арьст э, бөхданбеж э, сэрхвэш э, йан жи т'аланкьр э. Т'эви йе өса һ'эта нен жи нэхьн! <sup>12-13</sup>Чи мьнр'а йэ эз диwana йед жь щьвине дэр бькьм? Хвэде ве диwana ван бькэ. Ле диwana йед щьвинеда дэстед вэда йэ. Ава чава ньвисар э: «Мэрьве хьраб жь нава хвэ дэрхьн»\*.

### Пьрса дэрһэқа дэ'w-доза нава баwэрмэндада

**6** <sup>1</sup>Гэло эва к'аре кьрьне йэ, гава йэк жь вэ, нава ви у бьре вида дэ'w-доз пешда те, төрөш дькэ ль бэр нэп'ака ве йэке дьдэ сафикьрьне, нэ кө ль бэр щьмэ'та Хвэде? <sup>2</sup>Чьма хун ньзаньн кө щьмэ'та Хвэде ве диwana дьне бькэ? У һэгэр бь дэсте вэ ве диwana дьнайе бе кьрьне, гэло хун нькарьн ван пьрсед сьвьк жи сафи кьн? <sup>3</sup>Чьма хун ньзаньн кө эме диwana мьлйак'эта жи бькьн? Иди к'ө дьминэ диwana

\* 5:7-8 Дэрк'этгьн 12; 13:7.

\* 5:12-13 Қануна Дөшари 17:7; 19:19; 22:21, 24; 24:7.

пърсед ве дьнайе нэкьн?  
<sup>4</sup>Ава һәгәр нава вәда пърсед  
 ве дьнейә сафикрьне һәбьн,  
 һун чава дькарьн һ'акьмтийе  
 бьднә дәсте йед өса, кө жь  
 алийе шьвинеда нә т'ө тышт  
 ьн? <sup>5</sup>Әз аһа дьбежьм, кө һун  
 шәрм бькьн! Гәло нава вәда  
 йәки сәрвахт т'өнә, кө бька-  
 рьбә нава бьрада сәрәдәрийе  
 бькә? <sup>6</sup>Ле бьра бьрер'а дьк'әвә  
 дә'w-дозе, әв жи ль бәр нә-  
 бавәра!

<sup>7</sup>Вәр'асти ве йәкеда лап дайә  
 дәр, кө һун һәвр'а дьк'әвьнә  
 дәргәһ-диwana. Гәло һе қәнщ  
 нинә, кө һун бенә нәһәқь-  
 рьне? Гәло һе қәнщ нинә, кө  
 һун бенә шеландьне? <sup>8</sup>Ле һун  
 нәһәқийе дькьн у дышели-  
 ньн, әв жи хушк-бьра! <sup>9</sup>Чьма  
 һун ньзаньн кө йед нәһәқ ве  
 П'адшатийа Хвәде war нәбьн?  
 Нәхапьн! Нә бенамус, нә п'ут-  
 п'арьст, нә зьнек'ар, нә қөндә,  
 нә к'онә, <sup>10</sup>нә дьз, нә тьмак'ар,  
 нә сәрхвәш, нә бөхданбеж,  
 нә жи т'аланкьр П'адшатийа  
 Хвәде we war нәбә. <sup>11</sup>У жь вә  
 һьнәк өса бун. Ле һун жь гөна  
 һатьнә шуштьне, һун һатьнә  
 бөһөрти-жьбарәкьрьне, һун

р'аст<sup>ф</sup> һатьнә һ'әсабе бь наве  
 Хөдан Иса Мәсиһ у бь Р'өһ'е  
 Хвәдейе мә.

### **Бьра бәдәнед вә Хвәдер'а хьзмәтк'арийе бькә**

<sup>12</sup>Дьбежьн: «Һәр тышт мьнр'а  
 ә'дәт ә», бәле, ле һәр тышт нә  
 к'ар ә. «Һәр тышт мьнр'а ә'дәт  
 ә», ле т'ө тышт гәрәке һ'өкө-  
 ми сәр мьн нәкә. <sup>13</sup>Дьбежьн:  
 «Хварьн бона зьк ә, зьк жи  
 бона хварьне йә», ле Хвәде  
 һәр дөйа жи we онда кә. Ле  
 бәдән нә бона қавийе йә, ле  
 бона хьзмәтк'арийа Хөдан ә  
 у Хөдан жи бона бәдәне хәм  
 дькә. <sup>14</sup>У Хвәдейе кө Хөдан  
 жь мьрьне р'акьр, we мә жи жь  
 мьрьне р'акә бь қәwата Хвә.  
<sup>15</sup>Чьма һун ньзаньн кө бәдә-  
 нед вә әндәмед Мәсиһ ьн? Әз  
 әндәмед Мәсиһ һьлдьм т'әви  
 қава кьм? Т'ө шар! <sup>16</sup>Йан һун  
 ньзаньн йе кө т'әви қава дьбә,  
 т'әви we дьбә бәдәнәк? Чава  
 ньвисар дьбежә: «Һәр дө we  
 бьбьнә бәдәнәк»\*.

<sup>17</sup>Ле әве кө  
 т'әви Хөдан дьбә, дьбә р'өһ'әк.  
<sup>18</sup>Жь қавийе бьр'әвьн! Һ'әму  
 гөнәд майинә кө мәрвь дькә,  
 жь бәдәне дәр ә, ле әве кө

\* 6:16 Дәстпәбун 2:24.

қавийе дькә, мьқабыли бәдәна хвә гона дькә. <sup>19</sup> Чьма һун ньзаньн кә бәдәнед вә п'арьстгәһа Р'öh'e<sup>ф</sup> Пироз ын, кә нава вәда йә, К'ижан вә жь Хвәде станд? Һун нә хвәийе сәре хвә нә\*. <sup>20</sup> Һун бь қимәтәки бьһа һатьнә к'ър'ине. Бона ве йәке бькьн кә пе бәдәна вә шькьри Хвәдер'а бе даине\*.

### Пьрсед һ'ал-зәваше

**7** <sup>1</sup>Ле ньһа дәрһәқа ван пьрсед кә вә мьнр'а ньвисин: «Қәнщ ә вәки мер незики жьне нәбә?»\* <sup>2</sup>Ле бона кә пешийа һәр шур'ә қавийе бе гьртые, бьра мер бе жьн нәбә у жьн жи бе мер. <sup>3</sup>Мер бьра дәйне жьне бьде, жьн жи дәйне мер. <sup>4</sup>Жьн нә хвәйа қальбе хвә йә, ле мер, өса жи мер нә хвәйе қальбе хвә йә, ле жьн. <sup>5</sup>Жь һөвдә на-на нәкьн, пештьри we дәме, гава һун бь һөвр'а бона

вәхтәке т'ьфақ<sup>ф</sup> қьрар дькьн вәки хвә бьдьнә дөакьрье\*, ле паше диса ль һәв вәгәр'ьн, кә мирешьн вә нәшер'ьбинә<sup>ф</sup> жь дәст бет'авийа вә. <sup>6</sup>Әз ве йәке дьһельмә сәр әхтәрийа вә, нә кә ә'мьр дькьм. <sup>7</sup>Р'аст ә, мьн дьхвәст кә һ'әму мәрвь мина мьн буна, ле һәр мәрвьәкир'а дайнәкә жь Хвәде һәйә, йәк һа йә, йәк жи аһа йә.

<sup>8</sup>Ле йед бе жьн у жьнәбийа-р'а әз дьбежьм: Қәнщ ә кә әв мина мьн бьминьн. <sup>9</sup>Ле һәгәр хвә зәфт накьн, бьра бьзәвьщьн-мер кьн, чьмки қәнщ ә кә әв бьзәвьщьн-мер кьн, нә кә хвәда бьшәвьтън.

<sup>10</sup>Ле йед зәвьщи-меркьрир'а, нә кә әз ә'мьр дькьм, ле бәле Хөдан: Бьра жьн жь мер нә-қәтә\*, <sup>11</sup>һәгәр бьқәтә жи, бьра мер нәкә йан жи мере хвәр'а ль һәв бе. У мер жи бьра жьна хвә бәр'нәдә.

\* <sup>6:19</sup> Корьнт'и I, 3:16; Корьнт'и II, 6:16.

\* <sup>6:20</sup> Нав һьнәк дәстньвисаред пашвәхтийеда аһа йә: «Бона ве йәке пе бәдән у р'öh'e хвә Хвәдер'а шькьрийе бьдьнә даине, йед кә п'ара Хвәде нә».

\* <sup>7:1</sup> Дәрһәқа «Қәнщ ә вәки мер незики жьне нәбә?» һьнәк фә'м дькьн кә әва шаба Павлос ә, һьнәкед майин жи дьбежьн кә әва пьрса корьнт'ийа йә йан жи бир-бауәрийа ван ә.

\* <sup>7:5</sup> Нав һьнәк дәстньвисаред пашвәхтийеда әв жи һәйә: «р'өжи<sup>ф</sup>».

\* <sup>7:10</sup> Мәтта 5:32; 19:9; Луқа 16:18.

<sup>12</sup> Ле йед майинр'а эз дьбежым, нэ кӧ Хӧдан: Һэгэр жына бьраки нэбауэр бэ у бьхвазэ т'эви ви бьминэ, бьра ве бэр'нэдэ. <sup>13</sup> У жынкэ кӧ мере ве нэбауэр бэ у эв бьхвазэ т'эви ве бьминэ, бьра жь ви нэқэтэ. <sup>14</sup> Чьмки мере нэбауэр бь жына бауэрмэнд һ'элал дьбэ у жына нэбауэр жи бь мере бауэрмэнд һ'элал дьбэ. Һэгэр ӧса нибу-йа, зар'ед вӧйе һ'ерам<sup>ф</sup> буна, ле ньһа һ'элал ын. <sup>15</sup> Ле һэгэр нэбауэр бьқэтэ, бьра бьқэтэ. Хушк йан бьра ве дэрэщета аза йэ. Бэле Хвэде гази вэ э'дьялайие кьр. <sup>16</sup> Тӧ чь зани к'ӧлфӧте<sup>ф</sup>, бэлки те мере хвэ хьлаз ки? Йан жи тӧ чь зани меро, бэлки те к'ӧлфӧта хвэ хьлаз ки?

**Бавэрмэнд гэрэке  
ль гора э'мьре Хвэде бьжин**

<sup>17</sup> Вэки дьн эз дьбежым: Хӧдан чава п'ара һэр кэси да у чава Хвэде гази һэр кэси кьр, бьра вэкэ ве йэке жи бьжи. Эв э т'эмийа кӧ эз дьдьмэ һ'эму шьвина. <sup>18</sup> Һэгэр йӧк сьнэткьри<sup>ф</sup> бу гава һатэ газикьрне, бьра сьнэтбуна хвэ иди нэгӧһезэ.

Һэгэр йӧк нэсьнэткьри бу гава һатэ газикьрне, бьра иди сьнэт нэбэ. <sup>19</sup> Нэ сьнэтбун тыштӧк э у нэ жи нэсьнэтбун, ле сэри т'эмийед Хвэде қэдандьн э. <sup>20</sup> К'и чь һ'алида бу гава Хвэде гази кьре, бьра нава веда жи бьминэ. <sup>21</sup> Хӧлам буйи гава һати газикьрне? Хэм нэкэ. Ле һэгэр дькари аза би, ве мэщале жь дэсте хвэ нэкэ. <sup>22</sup> Чьмки эв хӧламе кӧ һатэ газикьрне, вэки бьбэ п'ара Хӧдан, эв азайе Хӧдан э, ӧса жи эве кӧ аза бу гава һатэ газикьрне, эв хӧламе Мэсиһ э. <sup>23</sup> Һун бь қимӧтэки бьһа һатьнэ к'ьр'ине, нэбьнэ хӧламед мэрьва. <sup>24</sup> Хушк-бьрано, к'и чь һ'алида һатэ газикьрне, бьра нава веда жи ль бэр Хвэде бьминэ.

**Пьрсед бона қиз у хорта**

<sup>25</sup> Ле ньһа чь жь қиз у хорта\* дьк'эвэ, мьн дэрһӧқа ванда э'мьр жь Хӧдан нэстандийэ, ле т'эне эз фькьра хвэ дьбежым, чава йэки жь Хӧдан р'э'м стани кӧ һьндава Вида амьн э. <sup>26</sup> Эз бона тӧнгасийа<sup>ф</sup> ньһа аһа р'е тер'а дьбиньм кӧ мэрвь чь дэрэщета йэ, бьра ӧса жи бьминэ.

\* 7:25 Бь йунани хэбэр бь хэбэр, дэвса «қиз у хорта» «бьк'ьра<sup>ф</sup>» һэйэ.

27 Жънева гьредаи йи? Нәкә кә же бьқәти. Бе жьн и? Жъне нәгәр'ә. 28 Ле һәгәр бьзәвьщи, гөнә<sup>ф</sup> наки у һәгәр қиз мер кә, гөнә накә. Ле йед өса we р'асти охьрмед гьран бен, әз дьхвазьм wә жь we йәке хwәй кьм.

29 Әз wәр'а дьбежьм бьрано: Wәхт һьндьк майә. Жь вьр шунда әwe кә жьна wi һәйә бьра өса бә чава йе бе жьн, 30 әwe кә дьгьри чава йе нагьри, әwe кә ша дьбә чава йе ша набә, әwe кә дьк'ьр'ә чава нә хwәйе ван тышта бә, 31 у әwe кә шьхөле дьнева мьжул дьбә чава йе пева мьжул набә, чьмки әв дьнйа ә'йан дәрбаз дьбә.

32 Ле әз дьхвазьм кә һун жь хәма дур бьн. Йе нәзәвьщи шьхөлед Хөданва гиро йә, кә чава бькә ль Хөдан хwәш бе. 33 Ле йе зәвьщи хәмед дьнева гиро йә, кә чава бькә ль жьна хwә хwәш бе 34 у сәр дө р'ийа сәкьни йә. Жьна бемер йан

қиз шьхөлед Хөданва гиро йә\*. Мәрәме we әw ә, кә әw р'өһ' у қальбе хwәда бөһөрти-жьбарә бә, ле йа меркьри хәмед дьнева гиро йә, кә чава бькә ль мере хwә хwәш бе. 35 Әз ван тышта бона к'ара wә дьбежьм, нә кә бар дьдьмә сәр мьле wә, ле дьхвазьм wәки һун бь т'әрбәт у бь дьл у щан шьхөлед Хөданва гиро бьн.

36 Ле һәгәр йәк фә'м дькә, wәки һьндава дәргистийа хwәда р'астийе накә, тәме wi жи хьраб буйә\* кә гәрәке бьзәвьщә, бьра өса бькә чава дьхвазә, гөнә накә, бьра һәвдө бьстиньн. 37 Ле әwe кә гьрани сәр wi т'өнә, ле ль тәме хwә дькарә у дьле хwәда қьрар кьрийә кә дәргистийа хwә өса хwәй кә чава бәре, әw тыштәки қәнщ дькә. 38 Аwa йе дәргистийа хwә дьстинә, қәнщ дькә, ле йе кә we бьк'ьр дьһелә, һе қәнщ дькә\*. 39 Жьн нә хwәсәрихwә

\* 7:34 Нав һьнәк дәстньвисарада р'еза 34-а аһа дәстпедьбә: «Нава йа меркьри у нәмеркьрида<sup>ф</sup> фьрқи һәйә, йа нәмеркьри шьхөлед Хөданва гиро йә».

\* 7:36 Аһа жи те фә'мкьрьне: «Ә'мьре we дәрбаз дьбә».

\* 7:36-38 Ынәк занә дьбежьн, кә ль гора ә'дәте йунана хорт дькарьбу дәргистийа хwә бьк'ьр<sup>ф</sup> хwәй бькьра, һ'әта кә дьле wi дьхwәст. Ынәкед дьн жи ван р'еза аһа фә'м дькьн: «(Р'еза 36) Ле һәгәр йәк фә'м дькә, wәки һьндава қиза хwәда р'астийе накә, чьмки ә'мьре we

йә һ'эта кӧ мере we сах ә, ле һәгәр мер ле бьмьрә, әw аза йә, т'әви к'е бьхвazә дькарә мер кә, т'әне бawәрмәнде Хӧдан бә. <sup>40</sup> Ле әwe he хwәзьли бә, кӧ ӧса бьминә. Әв ә фькьра мьн у т'әхмина мьн Р'ӧһ'е Хwәде нава мьнда һәйә.

**Пьрса хварьна  
қӧрбанед<sup>ф</sup> п'утп'арьстийе**

**8** <sup>1</sup> Ле ньһа чь кӧ жь пьрса қӧрбанед п'ута дьк'әвә: Фә'мдари йә кӧ занәбуна мә һәр кәси жи һәйә. Занәбун п'ышка мерьв дьwәрьминә, ле һ'ьзкьрьн ава дькә. <sup>2</sup> һәгәр йәк т'әхмин дькә, кӧ әw тыштәки занә, әw р'аст he тыштәки ӧса ньзанә чава кӧ лазьм ә бьзаньбә. <sup>3</sup> Ле һәгәр йәк Хwәде һ'ьз дькә, әw жь алийе Wива наскьри йә.

<sup>4</sup> Аwa дәрһәқа wан қӧрбанед п'утайә кӧ мәри дьхwьн: Әм заньн кӧ п'ут һәйина хwәва п'уч'ьн у Хwәдеки дьн т'ӧнә, пештьри йәки\*. <sup>5</sup> һәгәр бь навед дьн жи

хwәде һәбьн, йан ль ә'рде йан ль ә'змен, чава beh'әсаб хwәде у beh'әсаб хӧдан һәнә жи, <sup>6</sup> ле бона мә т'әне Хwәдек һәйә, Бав, Ә'фьрандаре һәр тышти, әм жи бона Wi һәнә у т'әне Хӧданәк һәйә, Иса Мәсиһ, бь К'ижани һәр тышт хӧльқи нә у бь сайа Wi әм һәнә.

<sup>7</sup> Ле әв занәбун щәм һәр кәси т'ӧнә. һ'эта ньһа he дьле һьнәка пәй п'утп'арьстийе йә, кӧ гава wi гошти дьхwьн, һ'әсаб дькьн чава қӧрбанед п'ута у хwә дьһ'әр'ьминьн, чьмки исафа<sup>ф</sup> хwәйә сьстда фькара дькә. <sup>8</sup> Ле бәле хварьн мә ль бәр Хwәде надә сәкьнандьне. һәгәр әм бьхwьн, тыштәки зедә накьн у һәгәр нәхwьн, тыштәки жи кем накьн.

<sup>9</sup> Ле наш жь хwә һәбьн, нәбә кӧ әw азайа wә бьбә кәвьрәк ль бәр ньге сьста. <sup>10</sup> Әм бежьн, һәгәр мәрьвәки кӧ исафа хwәйә сьстда фькара дькә тә бьбинә, wәки тӧ «хwәйизанәбун» и у ль сьффра п'арьстгәһа п'утда

---

дәрбаз дьбә, бьра ӧса бькә чава дьхwazә, гӧнә накә, бьра бьдә мер. (Р'еза 37) Ле әwe кӧ гьранияе сәр хwә к'ьфш накә, ле сәр йа хwә йә у дьле хwәда жи қьрар кьрийә кӧ қиза хwә нәдә мер, әw тыштәки қәнщ дькә. (Р'еза 38) Аwa йе қиза хwә дьдә мер қәнщ дькә, ле йе бьк'ьр дьһелә he қәнщ дькә».

\* <sup>8:4</sup> Qануна Дӧшари 6:4.

р'унышти йи, нэ эw кьре тэ we дьл бьдэ wi, кӧ эw жи қӧр-банед п'утп'арьстийе бьхwэ? <sup>11</sup> У жь дэст we «занэбуна» тэ, бьре тэйи сьст, бона к'ижани Мәсиһ мьр, we онда бэ. <sup>12</sup> Бь ви авайи, гава тӧ нәһәқийе ль хушк-бьред хwэ дьки у исафа ванэ сьст бьриндар дьки, ль бэр Мәсиһ нәһәқийе дьки. <sup>13</sup> Аwa һәгэр хварьн дьбэ кэвьре ль бэр п'ийе бьре мьн, гэрәке иди т'ӧ шар эз гошт нәхwьм, wәки бьре хwэ п'ьшк<sup>ф</sup> нәкьм.

### Изьн у мәщалед шандийа

**9** <sup>1</sup> Нэ эз аза мэ? Нэ эз шан-ди мэ? Нэ мьн Хӧдане мэ Иса бь ч'э'ва дит? Нэ һун пе худана мьн п'ара Хӧдан к'этьн? <sup>2</sup> Һәгэр эз шандийе һьнәкед майин нибьм, ле бәле бе шьк шандийе wә мэ! Чьмки мора шандитийа мьн һун ьн, кӧ п'ара Хӧдан к'этьн.

<sup>3</sup> Щаба мьн бона йед кӧ дь-кьн жь мьн гьлийа бьк'ьшиньн эв э: <sup>4</sup> Гәло изьна мэ т'ӧнә эм жь бэр хәбата хwәва бьхwьн у вәхwьн? <sup>5</sup> Гәло изьна мэ т'ӧнә эм к'ӧлфәтәкә бawәрийеда

т'эви хwә бьгэр'иньн, чава шандийед дьн, бьрайед Хӧдан у Пәтрус\* дькьн. <sup>6</sup> Йан гэрәке эз у Барнабас<sup>ф</sup> т'эне бьхәбьтн сәре хwэ хwэй кьн? <sup>7</sup> К'ижан әскәр жь к'исе хwә әскәрийе дькә? К'и р'эз<sup>ф</sup> датинә у бәре we нахwә йан йе ль бэр пез э шире пез вәнахwә? <sup>8</sup> Эз ван тышта бь мәрьвайи набежьм. Нә Qанун жи we йәке дьбежә? <sup>9</sup> Чава Qануна<sup>ф</sup> Мусада<sup>ф</sup> нь-висар э: «Дәве гайе бедәреда дьхәбьтә гьренәдә»\*. Гәло хәма Хwәде бона га йә? <sup>10</sup> Йан we йәке бона мә дьбежә? Бәле, эв йәк бона мә һатә ньвисаре, wәки әwe кӧ щоте хwә дькә, гэрәке бь гӧман щот кә у йе кам дькә, гэрәке гӧман бә, кӧ we к'әда хwә бьхwә жи. <sup>11</sup> Һәгэр мә нава wәда тыштед р'ӧһ'ани чандьн, гәло тыштәки мэзьн э, кӧ жь wә тыштед we дьне бьдьрун? <sup>12</sup> Һәгэр изьна һьнәкед дьн һәйә к'аре жь wә бьбиньн, нә йа мә һе зедә һәйә?

Ле мә эв изьн пек нәани. Сәрда жи ль һәр тышти сә-бьр кьр, кӧ нәбьнә пешибьр'е Мьзгинийа<sup>ф</sup> Мәсиһ. <sup>13</sup> Һун

\* <sup>9:5</sup> Бь йунани хәбәр бь хәбәр аһа йә: «Кифас».

\* <sup>9:9</sup> Qануна Дӧщари 25:4.

нъзаньн әвед кӧ п'арьстгәһеда дьхэбьтн жь п'арьстгәһе жи дьхвн? У әвед хъзмәтк'арийа горигәһе<sup>ф</sup> дькн, жь горигәһе жи п'ара хвә дьстиньн\*. <sup>14</sup> Ӧса жи Хӧдан ә'мыр кър, кӧ йед Мьзгинийе даннасин дькн, жь Мьзгинийе бьжин\*.

<sup>15</sup> Ле мьн жь ван изьна қәт йәк пек нәани, нә жи нһа дьньвисьм кӧ ван изьна пек биньм. Дә бьра әз бьмьрм, нә кӧ йәк р'успитийа мьн бәтал кә. <sup>16</sup> Бәле әз нькарьм п'әйа бьдмә хвә һәгәр әз Мьзгинийе даннасин кьм, чьмки әв дәйне стуйе мьн ә. Вәй ль мьн һәгәр әз Мьзгинийе даннасин нәкьм! <sup>17</sup> У һәгәр мьн әв йәка бь һ'әмде хвә бькьра, һнге хәлата мьне һәбуя, ле әз ве йәке нә бь һ'әмде хвә дькьм, чьмки әва қӧльхәк ә ль мьн һатийә спартьне. <sup>18</sup> Ава иди чь йә хәлата мьн? Әв ә, кӧ әз даннасинийа хвәда Мьзгинийе бе һәқ бьдм, изьна хвә Мьзгинидаинеда бь зора хвә пек нәйнм.

<sup>19</sup> Р'аст ә әз жь һәр кәси аза мә, ле әз диса хвә дькьмә хӧ-

ламе һ'әмуя, вәки һе гәләка қазьнщ кьм. <sup>20</sup> Бона щьһуя, дьбьмә мина щьһуя, вәки щьһуя қазьнщ кьм. Ава готи бона йед бьн Қануна Мусада, дьбьмә мина йед бьн Қануне, вәки йед бьн Қанунеда қазьнщ кьм, (ле нә кӧ әз бьн Қанунеда мә). <sup>21</sup> Бона йед бе Қанун, дьбьмә мина йед бе Қанун, вәки йед бе Қанун жи қазьнщ кьм, (нә кӧ әз бе қануна Хвәде мә, ле әз бьн қануна Мәсиһда мә). <sup>22</sup> Бона сьста дьбьмә мина сьста, вәки йед сьст қазьнщ кьм. Бона һ'әмуя әз дьк'әвьмә һ'але һәр кәси, вәки һәр дәрәщада бькарьбьм һьнәка хьлаз кьм. <sup>23</sup> Ван һ'әму тышта әз иди бона Мьзгинийе дькьм, вәки әз бьбьмә һәвал-п'аре дӧа-дьрозгед сәр ве.

<sup>24</sup> Һун нъзаньн йед ләщмәй-данеда нә, һ'әму жи дьр'әвьн, ле т'әне йәк хәлате дьстиньн? Ӧса бьр'әвьн, кӧ һун бьстиньн. <sup>25</sup> Әвед кӧ дьк'әвьнә ләще, хвә һини гәләк тышти дькн, вәки ве к'офийа<sup>ф</sup> кӧ дьч'ъл-мьсә бьстиньн, ле кьрьна мә бона к'офийа һ'әта-һ'әтайе йә.

\* 9:13 Қануна Дӧшари 18:1.

\* 9:14 Луқа 10:7-8.



26 Бона we йэке эз өса нар'э-  
вм чава йед бемэрэм, йан жи  
бь к'олма һэр'ымэ бе. 27 Ле эз  
зордарийе қальбе хвэ дькым у  
we зэфт дькым, кө нэбэ хэлце  
гази лэще кым, ле эw хвэха жь  
дэст мын һэр'э.

**Хвөде нэшер'ьбиньн, чава  
щьмэ'та Исраеле<sup>ф</sup> шер'ьбанд**

**10** 1 Нахвазьм хушк-бьра-  
но, кө һун ньзаньбьн  
wэки кал-бавед мә һ'эму жи  
бьн сийа э'wрда бун у һ'эму  
жи Бэ'ра Сорр'а дэрбаз бун\*.  
2 Һ'эму жи т'эви Муса бунэ  
йэк, э'wр у бэ'реда һатьнэ нь-  
хөмандьне<sup>ф</sup>. 3 Һ'эмуйа жи хут  
эw хварьна р'öh'ани хвар\* 4 у  
һ'эмуйа жи хут эw вэхварьна  
р'öh'ани вэхвар, чьмки жь wi  
Qэйаие р'öh'ани вөдьхварьн,  
Йе кө т'эви ван дьчу у эw Qэйа  
Mэсиг бу\*. 5 Ле Хвөде гөлөкед

жь ван бэгэм нэкрьн, лэма  
щньйазед ван бэр'ийеда<sup>ф</sup> һэр  
дэра к'эти ман\*.

6 Иди эw тышт бона мә бунэ  
мэселед готи, wэки эм һавьжи-  
йа хвэ жь тыштед хьраб нэйньн,  
чава ван дьлһавьжи кьр\*. 7 Нэ  
жи бьбьн п'утп'арьст, чава жь  
ван һьнэк бун, бона к'ижана  
һьвисар э: «Щьмэ'те р'уньшт  
хвар, вэхвар у р'абун намуса  
һөвр'а листьн»\*. 8 Эм қавийе  
нэкьн, чава жь ван һьнэка  
қави кьр у р'ожэкеда бист се  
һ'эзар мәри к'этьн қьр' бун\*.  
9 Мэсиг\* нэшер'ьбиньн, чава  
жь ван һьнэка шер'ьбанд у бь  
мэ'ра һатьнэ ледане мьрьн\*\*.  
10 У бина хвэ тэнг нэкьн, чава  
жь ван һьнэка бинтэнги кьрьн  
у бь дэсте мьлйак'эте мьрьне  
к'ока ван һат\*.

11 Эв һ'эму тышт чава мэсэ-  
лед готи дьһатьнэ сөре ван,

\* 10:1 Дөрк'этьн 13:21-22; 14:22-29.

\* 10:3 Дөрк'этьн 16:35.

\* 10:4 Дөрк'этьн 17:6; Жьмар 20:11.

\* 10:5 Жьмар 14:29-30.

\* 10:6 Жьмар 11:4.

\* 10:7 Дөрк'этьн 32:6.

\* 10:8 Жьмар 25:1-18.

\* 10:9 Нав һьнэк дэстньвисарада аһа йэ: «Хөдан».

\*\* 10:9 Жьмар 21:5-6.

\* 10:10 Жьмар 16:41-49.

ле бона мѧ кѧ эм ахърийа ван дѧврада дъжин, чава ширѧт хатънѧ нъвисаре. <sup>12</sup>Ава к'и дь-фькърѧ кѧ ѧв мьдър'м сѧкъни йѧ, бьра наш жь хвѧ хѧбѧ кѧ нѧк'ѧвѧ. <sup>13</sup>Щер'ьбандьнед ѧса найенѧ сѧре вѧ, пештьри ван шер'ьбандьнед кѧ тенѧ сѧре мѧрьвед майин. Ле Хвѧде амьн ѧ, ѧв нахелѧ кѧ хун жь дѧвата хвѧ дѧр бенѧ шер'ьбандьне. ѧве шер'ьбандьнеда дѧлилѧке жи бькѧ, кѧ хун бькарьбьн тѧйах кьн\*.

<sup>14</sup>Ава дѧлалед мьн, жь п'ут-п'арьстийе бьр'ѧвьн. <sup>15</sup>ѧз чава т'ѧви сѧрвахта хѧбѧр дьдьм. Хун хвѧха бьдье нѧ бѧр х'ѧсаба, ѧз чь дьбежьм. <sup>16</sup>ѧв к'аса Шива Хѧдан, йа кѧ эм пе шь-кърийе дьдье, нѧ хѧлѧдѧтийа хуна Мѧсйх ѧ? ѧв нане кѧ эм кѧрдькьн, нѧ хѧлѧдѧтийа бѧ-дѧна Мѧсйх ѧ?\* <sup>17</sup>Нанѧк хѧйѧ,

лѧма эм х'ѧму жи бѧдѧнѧк ьн, чьмки эм х'ѧму жи жь ви нани кѧрдькьн.

<sup>18</sup>Дина хвѧ бьдье нѧ щьмѧ'та Исраеле: ѧвед кѧ дѧрбана дь-хвьн, т'ѧви ве п'ара горигѧхе набьн?\* <sup>19</sup>Бѧле ѧз чь бежьм? Гѧло п'ут жь хвѧ тыштѧк ѧ, йан дѧрбанед п'утар'а тенѧ дайине бѧрга тыштѧки дьгьрьн? <sup>20</sup>На хер! Ле готьна мьн ѧв ѧ, кѧ ѧв тыштед п'утп'арьст дькьнѧ дѧрбан, шьнар'а<sup>ф</sup> дькьн, нѧ кѧ Хвѧдер'а. У ѧз нахвѧзьм кѧ хѧлѧдѧтийа вѧ т'ѧви щьна хѧбѧ\*. <sup>21</sup>Хун нькарьн хьн к'аса Хѧдан вѧхвьн, хьн жи к'аса щьна. Хун нькарьн хьн жь сьфра Хѧдан бьхвьн, хьн жи жь сьфра щьна. <sup>22</sup>Йан эм бькьн кѧ хирѧта Хѧдан дѧбул нѧкѧ?\* Чьма эм жь Ви дѧваттьр ьн?

<sup>23</sup>Дьбежьн: «хѧр тышт ѧ'дѧт ѧ», бѧле, ле хѧр тышт нѧ к'ар ѧ.

\* 10:13 Аха жи те фѧ'мкърьне: «Хвѧде ве бькѧ кѧ хун тѧйах кьн у бь ви авайи хуне бькарьбьн жь ве йѧке хьлаз бьн».

\* 10:16 Мѧтта 26:26-28.

\* 10:18 Қануна К'ахинтийе 7:6.

\* 10:20 Қануна Дѧщари 32:17.

\* 10:22 Бь йунани хѧбѧр бь хѧбѧр аха йѧ: «Йан эм бькьн кѧ хѧлане бьдье нѧ к'ѧмр'ѧшийа<sup>ф</sup> Хѧдан». К'ѧмр'ѧшийа Хѧдан р'ѧх'ани те фѧ'мкърьне. Пѧймана<sup>ф</sup> Кѧвьнда, гава щьмѧ'та Хвѧде дѧст жь Хвѧде к'ьшанд у п'ут х'ѧбандьн, ѧв ѧса дьхатѧ х'ѧсабе чава жьна йѧки ч'ѧ'в бѧвежѧ мерѧки дьн. Хосѧйа 2:2-13; Йерѧмийа 3:6-10, 20.

«Һәр тышт ә'дәт ә», ле һәр тышт ава накә. <sup>24</sup> Нәбә кӧ йәк к'ара хвә быгәр'ә, ле йа һәвалә хвә.

<sup>25</sup> Чь кӧ қәсабханада те фьротане бьхвьн, пәй пьрс-пьрсийара нәк'эвьн, бона фькаркьрна исафе. <sup>26</sup> Чава ньвисар ә: «Дьнйа бь хер-хьзна хвәва йа Хӧдан ә»\*. <sup>27</sup> Һәгәр жь нәба-вәра йәк вә т'әглиф кә у хун бьхвазьн һәр'ьн, чь бьдьнә бәр вә бьхвьн, пәй пьрс-пьрсийара нәк'эвьн, бона фькаркьрна исафе. <sup>28</sup> (Ле һәгәр йәк вәр'а бежә: «Әва қӧрбан ә», иди нәхвьн бона йе кӧ хун пе һ'әсандьн у бона фькаркьрна исафе. <sup>29</sup> Готьна мьн нә бона фькара исафа вә йә, ле йа һәвалә вә.) Чьма гәрәке азаййа мьн бона фькара исафа йәки майин бе ломәк'аркьрне<sup>ф</sup>? <sup>30</sup> Һәгәр әз шыкьрийе дьдьмә Хвәде дьхвьм, чьма бона ве йәке хәйба мьн дькьн, вәки әз шыкьрийа хвә Хвәде тиньм?

<sup>31</sup> Ава һәгәр хун бьхвьн, вәхвьн, йан чь шьхӧли кӧ хун бькьн, һәр тышти бона шыкьрдайна Хвәде бькьн. <sup>32</sup> Нә ныг бавежьнә бәр шыһуя,

нә бәр нәшьһуя, нә жи бәр шывина Хвәде, <sup>33</sup> чава әз жи һәр алийава ль һ'әмуя хвәш тем у к'ара хвә нагәр'ьм, ле йа гәләка, вәки хьлаз бьн.

**11** <sup>1</sup> Ч'ә'в бьдьнә мьн, ча-  
ва әз жи ч'ә'в дьдьмә  
Мәсиһ\*.

### Бона сәрньхамтън у сәрқотийе дәма һ'әбандьнеда

<sup>2</sup> Әз п'әйе вә дьдьм, вәки хун һ'әму дәрәшада мьн бир тиньн у әв р'ав-р'ьзьмед<sup>ф</sup> кӧ мьн данә вә пек тиньн. <sup>3</sup> Ле әз дьхвазьм кӧ хун заньбьн вәки сәре һәр мери Мәсиһ ә, сәре жьне мер ә у сәре Мәсиһ Хвәде йә. <sup>4</sup> Һәр мере кӧ сәрньхамти дӧа йан п'ехәмбәртийе<sup>ф</sup> дькә, әв сәре хвә беһӧрмәт дькә. <sup>5</sup> У һәр к'ӧлфәта кӧ сәрқот дӧа йан п'ехәмбәртийе дькә, әв сәре хвә беһӧрмәт дькә. Әв дьбә мина йәкә п'ор'кӧр'кьри. <sup>6</sup> Ава готи, һәгәр к'ӧлфәт сәре хвә нәньхемә, бьра п'ор'е хвә жи бьбьр'ә. Ле һәгәр к'ӧлфәтер'а ә'йб ә, кӧ п'ор'е хвә бьбьр'ә йан бьдә бәр дузан, кӧ ӧса

\* <sup>10:26</sup> Зәбур 24:1; 50:12; 89:11.

\* <sup>11:1</sup> Корьнт'и I, 4:16; Филипи 3:17.

йә бьра сәре хвә бьньхемә.  
 7 Нә шайиз ә мер сәре хвә бьньхемә, чьмки әв сурәт у р'умәта Хвәде йә, ле жьн р'умәта мер ә. 8 (Чьмки нә кә мер жь жьне йә, ле жьн жь мер ә\* 9 у мер бона жьне нәхольқи, ле жьн бона мер.) 10 Бона ве йәке гәрәке к'өлфәт сәре хвә бьньхемә, чава нишана бьн һ'өкөмда, бона мьляк'әтед кә дьбиньн\*. 11 Ле бәле йәктия Хөданда нә жьн бе мер дьбә, нә жи мер бе жьн. 12 Чьмки чава жьн жь мер ә, өса жи мер жь жьне йә, ле һ'әму жи жь Хвәде нә.

13 Хун хвәха бьдьянә бәр һ'ьша, гәло жь к'өлфәте дьк'әвә, вәки сәрқот бәр Хвәде дәа бькә? 14 Нә т'әбийәт жи вә һин дькә, кә п'ор'е дьреж р'әвшә мер давежә? 15 Ле р'әвшә жьне п'ор'е дьреж ә, чьмки әв п'ор'жер'а бона ньхамтьне һатийә дайине. 16 Ле һәгәр йәк бьхвәзә ве йәкер'а бьк'әвә дә'ве, ә'дәтәки мәйи дьн т'өнә у нә жи йе щьвинед Хвәде.

### Шива Хөдан

(Мәтта 26:26-29; Марқос 14:22-25; Луқа 22:14-20)

17 Ле ве т'әмийеда әз п'әйе вә надьм, чьмки гава һун дьщьвьн, әв набә к'ара вә, ле зийана вә. 18 Бәри һәр тьшти, әз дьбьнем, гава кә һун дьщьвьнә щьвине, нава вәда дьбә дөтирәти у кем-зедә әз бавәр дькьм. 19 Бәле, ә'сәйи дөтирәти ве бьк'әвә нава вә, вәки йед нава вәдайә жьбарә к'ьфш бьн. 20 Ава һун кә дьщьвьнә щики, әва набә шива Хөдан кә һун дьхвьн, 21 чьмки гава һәр йәк жь вә дьхвә, һ'әщә-һ'әща ви йә сәр шиве дьк'әвә. Йәк бьр'чи дьминә у йе дьн к'ефхвәш дьбә. 22 Чьма малед вә т'өнәнә, кә һун ванда бьхвьн у вәхвьн? Йан чьма щьвина Хвәде беһөрмәт дькьн у дәсттәнга дьдьянә шәрме? Әз чь вәр'а бежьм? П'әйе вә бьдьям бона ве йәке? Әз ве йәке нькарьм!

23 Мьн әв йәк жь Хөдан станд у да вә, кә Хөдан Иса ве шәва

\* 11:8 Дәстпелун 2:18-23.

\* 11:10 Аһа жи те фә'мкьрьне: «Бона ве йәке у бона мьляк'әтед кә дьбиньн, гәрәке к'өлфәт сәргьредаи бә, чава нишана кә һ'өкөме ве һәйә дәа у п'ехәмбәртийе бькә».

кӧ һатә нәмамкърне, нан һьлда <sup>24</sup> шыкър да, кәркър у гот: «Әва бәдәна Мьн ә бона вә. Ве йәке бона биранина Мьн бькьн». <sup>25</sup> Ӧса жи к'ас пәй шивер'а һьлда у гот: «Әва к'аса пәймана<sup>ф</sup> ну йә, пе хуна Мьн гьредаи. Ве йәке бона биранина Мьн бькьн, чь шар гава хун же вәхьн»\*. <sup>26</sup> Һәр шар, гава хун ви нани бьхьн у жь ве к'асе вәхьн, мьрна Хӧдан бькьнә дәнги, һ'әта һатьна Wi.

<sup>27</sup> Ава к'и бь нәлайиқи нане Хӧдан бьхвә йан к'аса Wi вәхвә, ве дәйндаре бәдән у хуна Wi бә. <sup>28</sup> Ләма бьра мәрвь пешийе дьле хвә бьньһер'ә у паше жь ви нани бьхвә у жь ве к'асе вәхвә. <sup>29</sup> Чьмки к'и бьхвә у вәхвә у фә'мина бәдәна Хӧдан\* ньзаньбә, әв диwana хвә дьхвә у вәдхвә. <sup>30</sup> Ләма жи нава вәда гәләк нәхвәш у хвәйизәдә һәнә у һьнәк жи мьрнә. <sup>31</sup> Ле һәгәр мә диwana хвә бькьра, диwana мәйе нәһата кьрне, <sup>32</sup> ле гава диwana мә бьбә, әм жь Хӧдан тенә

ширәткьрне, вәки диwana мә т'әви дьнйәе нәбә.

<sup>33</sup> Ава хушк-бьрайед мьн, гава бона шива Хӧдан бьщвьн, һивийа һәвдӧ бьсәкьньн. <sup>34</sup> Ле һәгәр йәк бьр'чи йә, бьра мала хвәда бьхвә, кӧ нәбә, гава хун бьщвьн, диwane сәр хвәда биньн. Бона пьрсед майин, гава бем әзе һьнге сафи кьм.

### П'ешк'ешед<sup>ф</sup> Р'ӧһ'е<sup>ф</sup> Пироз

**12** <sup>1</sup> Ле ньһа чь жь п'ешк'ешед Р'ӧһ'ани дьк'әвә хушк-бьрано, әз нахвәзьм кӧ хун нәзан бьн. <sup>2</sup> Вәва ә'йан ә гава хун п'утп'арьст бун, хун ӧса пәй п'утед кәр'ә лал к'әтьбун, һәр алийава к'әтьбунә бьн қолед ван. <sup>3</sup> Бона ве йәке жи әз вәр'а дьбежьм, т'ӧ кәс т'ӧнә кӧ бь р'ебәрийа Р'ӧһ'е Хвәде хәбәр дә у бежә: «Бьра ньфьр'ль Иса бә». У кәсәк жи нька-рә бежә: «Иса Хӧдан ә», һәгәр нә бь р'ебәрийа Р'ӧһ'е Пироз.

<sup>4</sup> Ава шур'ә-шур'ә п'ешк'ешед Р'ӧһ'ани һәнә, ле хут дайина ви Р'ӧһ'и нә\*, <sup>5</sup> шур'ә-шур'ә

\* 11:24-25 Луқа 22:18-19.

\* 11:29 Нав һьнәк дәстньвисарада дәвса «бәдәна Хӧдан» т'әне «бәдән» һәйә.

\* 12:4-12 Р'омайи 12:4-8.

қолъх жи хәнә, ле һәма ви Хө-  
данир'а қолъх дыкън, <sup>6</sup> өса жи  
шур'ә-шур'ә карин хәнә, ле хут  
әв Хвәде йә, кә ван дайинада  
карине дыдә һәр кәси. <sup>7</sup> Ле һәр  
кәсир'а Р'өһ' бона к'ара һ'әмуя  
хөйа дыбә. <sup>8</sup> Йәкир'а жь Р'өһ'  
хәбәра сәрвахтийе те дайине,  
йәкир'а хәбәра занәбуне хут жь  
ви Р'өһ'и, <sup>9</sup> йәки дынр'а бауәри<sup>ф</sup>  
хут жь ви Р'өһ'и, йәки дынр'а  
п'ешк'ешед нәхвәшқәнщкь-  
рьне хут жь ви Р'өһ'и, <sup>10</sup> йәки  
дынр'а қәват, вәки к'әрәмәта  
быкә, йәки дынр'а п'ехәмбәр-  
ти\*, йәки дынр'а фә'мина кә  
р'өһ'а жь һәв дәрхә, йәки дын-  
р'а зьманед хәриб, йәкир'а жи  
шьровәкьрьна ван зьмана.  
<sup>11</sup> Әв һ'әму жи хут Хвәха әв  
Р'өһ' дыкә у һәр кәсир'а баш-  
қә-башқә п'арәвәдыкә, чава  
кә дыхвазә.

**Бәдән йәк ә, әндәм гәләк ын**

<sup>12</sup> Чава бәдән йәк ә у гәләк  
әндәмед we хәнә, ле диса әв

һ'әму һәвр'а бәдәнәк ын, өса  
жи Мәсир ә. <sup>13</sup> Р'аст өса жи  
йәктия Р'өһ'әкида әм һ'әму  
һатьнә ньхөмандые<sup>ф</sup>, кә бы-  
бынә бәдәнәк, һын шьһу һын  
нәшьһу, һын хөлам һын аза у  
әм һ'әму жи жь ви Р'өһ'и данә  
вәхварьне.

<sup>14</sup> Бәле бәдән нә т'әне әндә-  
мәк ә, ле жь гәләка йә. <sup>15</sup> Һәгәр  
ныг бежә: «Әз нә жь бәдәне мә,  
чьмки әз нә дәст ым», гәло әва  
мә'ни йә, кә әв нә жь бәдәне  
йә? <sup>16</sup> У һәгәр гөһ бежә: «Әз  
нә жь бәдәне мә, чьмки әз нә  
ч'ә'в ым», гәло әва мә'ни йә, кә  
әв нә жь бәдәне йә? <sup>17</sup> Һәгәр  
т'әмамия бәдәне ч'ә'в бу-  
йа, ле быһистьне ль к'ө буйа?  
Һәгәр һ'әму бәдән гөһ буйа,  
бинһьлдане ль кә буйа? <sup>18</sup> Ле  
р'аст Хвәде әв әндәм йәко-йәко  
бәдәнәкеда ши кьрын, чава Ви  
хвәст. <sup>19</sup> Һәгәр һ'әму әндәмәк  
буна, бәдәне ль кә буйа? <sup>20</sup> Ле  
р'аст ньһа әндәм гәләк ын, ле  
бәдән йәк ә.

\* <sup>12:10</sup> К'ьтеба<sup>ф</sup> Пирозда у илаһи<sup>ф</sup> нава ве нә'ма Павлосда, хәбәра  
«п'ехәмбәрти» фьрә те фә'мкьрьне. Йе кә п'ехәмбәртийе дыкә, әв  
бы р'әбәрийа Р'өһ'е Пироз готьнәкә жь Хвәде ә'лами мәрва дыкә.  
Чава Павлос Корьнт'и I, 14:3-да дыбежә, йе кә п'ехәмбәртийе дыкә,  
бауәрийа мәрва ава дыкә, дыл дыдә бәр ван у бәр дыле ванда те. Иди  
п'ехәмбәрти нә т'әне бона тыштед кә һе нәқәшьми йә.

21 Ч'э'в нькарэ бежэ дэст: «Тö кери мьн найейи!» У нэ жи сэри ньгар'а дькарэ бежэ: «Хун кери мьн найен!» 22 Ле сэрда эв эндэмед бэдэнейэ кö сьст к'ьфш дьбьн, эв he фэрз ьн 23 у эв эндэмед бэдэнейэ бeқэдър тенэ h'эсабе, эм he қэдъре ван заньн у йед э'йбэ нава веда, эм he бь т'эрбэт дьньхемьн, 24 ле эндэмед мэйэ беэ'йб нэ h'эwще we йэке нэ. Ле Хwэде бэдэн һэвва кър, кö йе бeқэдър he қэдър бьстинэ, 25 wэки дөтирэти нэк'эвэ нава бэдэне, ле h'эму эндэм жь һэвдөр'а шэwат бьн. 26 Лэма, гава эндэмэк еше дьк'ьшинэ, h'эму эндэм һэвр'а дешьн, ле гава эндэмэк те пэсьндайине, h'эму эндэм т'эви we ша дьбьн.

27 Аwa хун бэдэна Мэсих ьн у һэр йэк жь wэ эндэмэки бэдэна Wi йэ. 28 У Хwэде пешийе һьнэк шьвинеда кърьнэ шанди, йа дöда п'эхэмбэр<sup>ф</sup>, йа сьсийа дэрсдар, паше йед к'э-рэмэткър, пэйр'а йед хwэйийе п'ешк'ешед нэхwэшқәнщкърьне, к'омэкларийе, сэ'витийе у йед зьманед хэриб\*. 29 Чьма

h'эму шанди нэ? Чьма h'эму п'эхэмбэр ьн? Чьма h'эму дэрсдар ьн? Чьма h'эму к'эрэмэта дькьн? 30 Чьма h'эму хwэйийе п'ешк'ешед нэхwэшқәнщкърьне нэ? Чьма h'эму бь зьманед хэриб хэбэр дьдьн? Чьма h'эму зьмана шьровэдькьн? 31 Дө хун h'эйра п'ешк'ешед he мэзьнда бьн.

Ле эзе р'екэ һэрэ қәнщ жи нишани wэ кьм.

### Һ'ьзкърьн

**13** 1 Һэгэр эз бь зьманед мэрьва йан мьлай'э-та хэбэр дьм, ле дьле мьнда һ'ьзкърьн т'өнэбэ, эзе бьбьмэ мина wi зэнгьле кö дькэ зьнгин йан жи болмед сьфрэ кö дькьнэ шьнгин. 2 Һэгэр п'ешк'еша п'эхэмбэртийе мьнр'а һэбэ у сэр h'эму сөр'а вэбьм, h'эму занэбуне фэ'м бькьм у һэгэр бawэрийа мьн жи һақас һэбэ, h'эта ч'ийа жи жь ши бьгөһезьм, ле һ'ьзкърьн дьле мьнда т'өнэбэ, эз нэ т'ö тышт ьм\*. 3 У һэгэр һэбука хwэ пева бөлайи бөлэнгаза кьм у бэдэна хwэ жи бьдьмэ дэр бона

\* 12:28 Эфэси 4:11.

\* 13:2 Мэтта 17:20; 21:21.

шәwьтандьне, ле һ'ьзкьрн дьле мьнда т'өнәбә, т'ө к'ар нагьһижә мьн.

<sup>4</sup> Һ'ьзкьрн думькдьреж у ширьн ә, һ'ьзкьрн һ'әвсудийе накә, һ'ьзкьрн к'өбар набә, п'ышка хwәда наwәрьмә, <sup>5</sup>беп'эргалнинә, йа хwә нагәр'ә, зу һерс нак'әwә, к'ине нажо, <sup>6</sup>дьле хwә ль нәһәқийе ша накә, ле р'астийер'а ша дьбә. <sup>7</sup>Һ'ьзкьрн һәр гав дадьхә, һәр гав бawәр дькә, һәр гав хwәйгөман ә, һәр гав сәбьр дькә.

<sup>8</sup> Һ'ьзкьрн т'ө шар к'өта набә. Һәгәр п'ехәмбәрти һәбьн, we бәтал бьн, һәгәр зьманед хәриб һәбьн, we дәнгед ван бенә бьр'ине, һәгәр занәбун һәбә, we дәрбаз бә һәр'ә. <sup>9</sup> Бәле әм жь п'ьр'и-һьндьки заньн у жь п'ьр'и-һьндьки п'ехәмбәртийе дькьн. <sup>10</sup> Ле гава к'амьлти бе, һьнге нәк'амьлти we дәрбаз бә һәр'ә.

<sup>11</sup> Гава әз зар' бум, мьн мина зар'а хәбәр дьда, мина зар'а дьфькьрим, мина зар'а дьда бәр һ'әсеб. Гава әз мәзьн бум, әw тыштед зар'отийе мьн жь хwә дур хьстьн. <sup>12</sup> Ньһа әм чава қәрәт'уки нәйнькеда дьбиньн, ле һьнге әме р'у бь р'у бьбиньн. Ньһа әз жь п'ь-

р'и-һьндьки заньм, ле һьнге әзе т'ам нас бькьм, чава әз һатьмә наскьрне.

<sup>13</sup> Аwа ньһа әв һәрсек дьминьн: Бawәри, гөман у һ'ьзкьрн. Ле һ'ьзкьрн сәр wanp'a йә.

**Бона п'ешк'ешед**

**Р'өһ'е Пироз:**

**П'ехәмбәрти у зьманед хәриб**

**14** <sup>1</sup> Дәмана һ'ьзкьрнеда бьн у һ'әйра п'ешк'ешед р'өһ'анида бьн, илаһи п'ехәмбәртикьрне. <sup>2</sup> Әwe кө бь зьмане хәриб хәбәр дьдә, әw нә кө мерьвр'а хәбәр дьдә, ле Хwәдер'а, чьмки кәсәк Wi фә'м накә. Әw бь қәwата Р'өһ' сөр'а дьбежә. <sup>3</sup> Ле бәле йе кө п'ехәмбәртийе дькә, әw мерьвр'а хәбәр дьдә, бawәрийа ван ава дькә, дьл дьдә бәр wan у бәр дьле wанда те. <sup>4</sup> Әwe кө бь зьманед хәриб хәбәр дьдә, т'әне бawәрийа хwә ава дькә, ле әwe кө п'ехәмбәртийе дькә, щьвине пева ава дькә. <sup>5</sup> Әз дьхwазьм кө һун һ'әму жи бь зьманед хәриб хәбәр дьн, ле әз һе дьхwазьм кө һун п'ехәмбәртийе бькьн, чьмки йе п'ехәмбәртийе дькә, жь йед бь зьманед хәриб хәбәр дьдә четьр ә, пештьри wi wәхте кө



те шьровэкърне, вәки шьвин бе авакърне.

<sup>6</sup> Ава хушк-бърано, һәгәр эз бемә щәм вә бь зьманед хәриб хәбәр дьм, әзе чь к'аре бьдьмә вә? Т'ө к'аре надьм һәгәр эз ә'йантие, йан занәбуне, йан п'ехәмбәртийе, йан һинкърне вәр'а нәйнъм? <sup>7</sup> Һашәтед нәбинбәрә кӧ дәнг дәрдьхьн, әм бежьн бьлур бә, йан чәнг<sup>ф</sup>, һәгәр дәнге ван нәзәлал бә, we чава заньбьн чь мьқам те лехьстьне? <sup>8</sup> Йан жи, һәгәр бор'и дәнгәки нәнас дәрхә, к'е we к'аре хвә ль шер' бькә? <sup>9</sup> Ӗса жи һун, һәгәр бь зьмен хәбәрәкә фә'мдари нәбежьн, we чава бьзаньбьн һун чь дьбежьн? Хәбәрдана вәйе мина байе сар бә. <sup>10</sup> К'ьфш ә кӧ дьнйайеда чьқас шур'ә-шур'ә зьман һәнә, ле жь ван йәк жи бе фә'мин нинә. <sup>11</sup> Ле, һәгәр эз зьманәки фә'м накьм, эз бона йе ви зьмани хәбәр дьдә хәриб ьм у йе хәбәр дьдә жи бона мьн хәриб ә. <sup>12</sup> Ӗса жи һун кӧ һ'әйра п'ешк'ешед р'ӧһ'анида нә, нава ван п'ешк'ешада һе пешда һәр'ьн, к'ижан шьвине ава дькьн.

<sup>13</sup> Бона ве йәке әве кӧ бь зьманед хәриб хәбәр дьдә, бь-

ра дӧа бькә кӧ шьровәкә жи.

<sup>14</sup> Чьмки гава эз бь зьманед хәриб дӧа дькьм, әв р'ӧһ'е мьн дӧа дькә, ле һ'ьше мьнда тышт р'унани. <sup>15</sup> Эз чь бькьм? Әзе һьн бь р'ӧһ'е хвә дӧа бькьм, һьн жи бь һ'ьше хвә, һьн бь р'ӧһ'е хвә бьстьрем, һьн жи бь һ'ьше хвә. <sup>16</sup> Һәгәр тӧ бь р'ӧһ'е хвә шькърйе бьди, әве кӧ мина нәзана сәкьни йә, we чава р'азидарийа тәр'а қайл бә бежә: «Амин<sup>ф</sup>»? Әв қәт фә'м накә жи, тӧ чь дьбежи. <sup>17</sup> Бәле тӧ р'ьнд р'азибуне дьди, ле бавәрийа йе дьн найе авакърне.

<sup>18</sup> Эз жь Хвәдейе хвә р'азимә, кӧ жь вә һ'әмуяа зә'фтър бь зьманед хәриб хәбәр дьдьм. <sup>19</sup> Ле бәле шьвинеда эз һе дьхвазьм пенш хәбәред фә'мдари бежьм, вәки һьнәкед дьн жи һин бькьм, нә кӧ бь һ'әзара хәбәред хәриб.

<sup>20</sup> Хушк-бърано, һ'ьше хвәда зар' нибьн! Һьндава хьрабийеда мина зар'а бьн, ле һ'ьше хвәда гьһишти бьн. <sup>21</sup> Қанунеда ньвисар ә:

«Әзе бь мәрвьед хвәйе зьманед хәриб у заред<sup>ф</sup> хәриба ве щьмә'тер'а хәбәр дьм,

ле бәле we һынге жи гөһда-  
рийа Мьн нәкьн, Хөдан  
дьебежә»\*.

<sup>22</sup> Аwa п'ешк'еша зьманед хә-  
риб нишанәк ә, нә кӧ бона  
баwәрмәнда, ле бона нәбаwәра  
у п'ехәмбәрти жи нә кӧ бона нә-  
баwәра йә, ле бона баwәрмәнда\*.

<sup>23</sup> Һәгәр т'әмамия шьвине пева  
бышьвә у һ'әму жи зьманед хәриб  
хәбәр дьн, һынге һьнәкә нәзан  
йан нәбаwәр бьк'әвьнә һьндӧр',  
we нәбежьн: «Әвана дин бунә»?

<sup>24</sup> Ле һәгәр һ'әму жи п'ехәмбәр-  
тийе бькьн, һынге йәки нәбаwәр  
йан нәзан бьк'әвә һьндӧр', we  
жь һ'әму готьнед ван хwә мӧ-  
кӧр' бе у бе гӧнәк'аркьрьне<sup>ф</sup>,

<sup>25</sup> сӧр'ед дьле вида жи we бенә  
ә'йанкьрьне у дәвәр'у ль бәр  
Хwәде бьк'әвә, ви бьһ'әбинә  
у дәнг һьлдә бежә: «Р'асти жи  
Хwәде нав wәда йә!»

### Ә'рф-ә'дәтед шьвине

<sup>26</sup> Әм иди чава бькьн гәли  
хушк-бьра? Гава һун дьшьвьнә  
щики, һәр кәсе жь wә чи ви

һәбә, һәгәр к'ӧлам бә, һинкь-  
рьн бә, ә'йанти бә, хәбәрдана  
зьманед хәриб бә, шьровәкьрьна  
зьманед хәриб бә, бьра һ'әму  
жи бона авабуна шьвине бьн.

<sup>27</sup> Һәгәр йәк бь зьмане хәриб  
хәбәр дьдә, бьра дӧдӧ бьн, йан  
йа лапә зә'ф сьсе, ле бьра йәк  
пәй йәкир'а хәбәр дә у йәк  
жи шьровәкә. <sup>28</sup> Ле һәгәр кә-  
сәк т'ӧнә кӧ шьровәкә, бьра  
әw шьвинедә дәнге хwә нәкә,  
т'әне бәр хwәда Хwәдер'а хә-  
бәр дә. <sup>29</sup> У жь п'ехәмбәра жи  
бьра дӧдӧ бьн, йан йа лапә зә'ф  
сьсе хәбәр дьн у йед дьн бьра  
ә'нәнә кьн. <sup>30</sup> Ле һәгәр ль бәр  
йәки жь нава р'уньштија жи  
тыштәк вәбә, иди бьра йе пе-  
шьн дәнге хwә бьбьр'ә. <sup>31</sup> Чьмки  
һун һ'әму жи, йәк пәй йәкир'а  
дькарьн п'ехәмбәртије бькьн,  
wәки һ'әму жи һин бьн у һ'әму  
жи дьл бьстиньн. <sup>32</sup> У р'ӧһ'ед  
п'ехәмбәра бьн сә'витийа п'е-  
хәмбәрада нә, <sup>33</sup> чьмки Хwәде  
нә Хwәдеје беп'әргалије йә,  
ле Йе ә'дьялийе йә.

\* <sup>14:21</sup> Ишайа 28:11-12; Qануна Дӧщари 28:49.

\* <sup>14:22</sup> Хәбәра «нишан» ль вьр бь дӧ шур'а те фә'мкьрьне, к'ар у зьрар.  
П'ехәмбәрти нишанәкә к'ар ә бона баwәрмәнда, чьмки пе we баwәри-  
йа ван те шьдандьне, к'аре дьк'әвьн. Ле хәбәрдана бь зьманед хәриб  
бона нәбаwәра нишанәкә зьрар ә, чьмки фә'м накьн, к'аре нак'әвьн.

Чава нава һ'әму шьвинед шьмә'та Хвәдеда\*, <sup>34</sup>бъра жь-нед вә шьвинеда хвә кәр'кьн, чьмки изьна ван т'өнә хәбәр дьн, ле бьра гөһдар бьн, чава Қанун жи дьбежә. <sup>35</sup>Ле һәгәр әв тыштәки дьхвазьн бьзаньбьн, бьра ль мале жь меред хвә бьпърсьн, чьмки нә шайиз ә кө жьн шьвинеда хәбәр дә.

<sup>36</sup>Т'ө хәбәра Хвәде жь вә дәрк'әт? Йан т'әне гьһиштә вә? <sup>37</sup>Һәгәр йәк дьфькьрә, кө хвәха п'әхәмбәр ә йан р'өһ'ани йә, бьра заньбә чь кө мьн вәр'а ньвисин, т'әмийа Хөдан ә. <sup>38</sup>Ле һәгәр йәк гөһ надә ван тышта, һун жи гөһ нәдьнә ви.

<sup>39</sup>Ава хушк-бьрано, һ'әйра п'әхәмбәртикьрьнеда бьн удәнге йед бь зьманед хәриб хәбәр дьдьн нәдьнә бьр'ине. <sup>40</sup>Т'әне һәр тышт бьра бь т'әрбәт, ши бь ши у магули бә.

**Р'абуна Мәсиһә жь мьрьне**

**15** <sup>1</sup>Эз we Мьзгинийе<sup>ф</sup> дь-хвазьм биньмә бира вә хушк-бьрано, йа кө мьн вәр'а даннасин кьр у вә қәбул кьр, сәр we жи сәкьнинә. <sup>2</sup>Бь we жи һун хьлаз дьбьн, һәгәр we хәбәре, йа кө мьн вәр'а даннасин кьр, қәвин бьгьрьн. Һәгәр на, бавәрийа вәйе бадихәва<sup>ф</sup> бә.

<sup>3</sup>Мьн әв йәка сәр һәр тышти-р'а, чава станд, өса жи да вә, кө Мәсиһ бона гөнәд мә мьр, ль гора ньвисара\* <sup>4</sup>у һатә дә-фьнкьрьне<sup>ф</sup>, р'ожа сьсийа Әв Хвәдеда жь мьрьне р'абу ль гора ньвисара\*, <sup>5</sup>Пәтрүсва\* хөйа бу, пәйр'а һәр донздәһ шандийа-ва\*\*. <sup>6</sup>Паше шарәкер'а пенсьд хушк-бьрайи зедәтьрва хөйа бу, жь ван гәләк һ'әта ньһа сах ьн, ле һьнәк жи мьрьнә. <sup>7</sup>Паше Ақубва<sup>ф</sup> хөйа бу, пәйр'а һ'әму шандийава.

\* <sup>14:33</sup> Аһа жи те фә'мкьрьне кө әв хәбәр «чава нава һ'әму шьвинед шьмә'та Хвәдеда» р'еза 33-ва гьредаи йә, нә кө р'еза 34-ва. Ава готи әв те фә'мкьрьне чава фькьрәкә хвәсәрихвә йә: «Нава һ'әму шьвинед шьмә'та Хвәдеда аһа йә».

\* <sup>15:3</sup> Ишайа 53:5-12.

\* <sup>15:4</sup> Зәбура 16:8-10.

\* <sup>15:5</sup> Бь йунани хәбәр бь хәбәр аһа йә: «Кифас».

\*\* <sup>15:5</sup> Луқа 24:34-36; Мәтта 28:16-17; Марқос 16:14; Йһ'әнна 20:19.

<sup>8</sup> Ахърийе, пэй һ'эмуяр'а мьнва хойа бу, чава йэки нэ сэре хвэ жь дийа хвэ буйи\*.

<sup>9</sup> Чьмки эз жь шандийа йе һәри паш ым, кө нэ лайиц ым шанди жи бемә готъне, чьмки мьн шьвина Хвәде зеранд\*.

<sup>10</sup> Ле эз бь к'эрәма Хвәде мә чь жи һәмә у к'эрәма Wi кө бь мьнр'а йә, бош-бәтал ни-бу. Ле сәрда эз жь ван һ'эму шандийа зә'фтьр хэбьтим у нә кө эз бум, ле к'эрәма Хвәдейә кө бь мьнр'а йә. <sup>11</sup> Аwa һәгәр эз бьм, йан әw бьн, әм һ'эму жи аһа даннасин дькьн у wә аһа жи бawәр кьрийә.

**Р'абуна бawәрмәндайә  
жь мьрьне**

<sup>12</sup> Аwa һәгәр әм даннасин дькьн, кө Мәсиһ жь мьрьне р'абуйә, чава жь wә һьнәк дьбежьн, кө р'абуна мьрийа т'өнә? <sup>13</sup> Һәгәр р'абуна мьрийа т'өнә, кө өса йә Мәсиһ жи жь мьрьне р'анәбуйә. <sup>14</sup> У һәгәр Мәсиһ жь мьрьне р'анәбуйә, кө өса йә даннасинийа мә жи бош-бәтал ә у бawәрийа wә жи бош-бәтал ә. <sup>15</sup> У әме

жи бьбьнә шә'дед Хвәдейә дәрәw, чьмки мә бона Хвәде шә'дәти да, кө Әwi Мәсиһ жь мьрьне р'акьр, ле һәгәр мьрийе р'анәбьн, кө өса йә Әw жи жь мьрьне р'анәкьрийә. <sup>16</sup> Чьмки һәгәр мьрийе р'анәбьн, кө өса йә Мәсиһ жи жь мьрьне р'анәбуйә. <sup>17</sup> У һәгәр Мәсиһ жь мьрьне р'анәбуйә, wәки өса йә бawәрийа wә бaдиһәwa йә, һәла һе һунә нава гөнед хвәда нә <sup>18</sup>у әwed бawәрийа Мәсиһда жи мьрьнә онда бунә. <sup>19</sup> Һәгәр т'әне әм бона ве жийине гөмана хwә Мәсиһ тиньн, кө өса йә әм жь һ'эму мәрьва мәр'ьмтьр ьн.

<sup>20</sup> Ле р'аст Мәсиһ жь мьрьне р'абуйә, чава бәре<sup>ф</sup> дәрәмәта пешьн жь нава мьрийа р'абуйи. <sup>21</sup> Мьрьн р'уйе мәрвьәкида бу, бь мәрвьәки жи we р'абуна мьрийа бьбә. <sup>22</sup> Чава һ'эмуьед жь Адәм<sup>ф</sup> буйи дьмьрьн, өса жи һ'эмуьед жь Мәсиһ буйи we сах бьн. <sup>23</sup> Ле һәр кәс дора хwәда: Пешийе Мәсиһ чава бәре дәрәмәта пешьн, паше йед п'ара Мәсиһ, wәхте һатьна Wiда. <sup>24</sup> Һьнге ахъри we бе, гава к'ока һәр сәрwertийе, һ'өкөмәтийе у

\* <sup>15:8</sup> К'аред Шандийа 9:3-6.

\* <sup>15:9</sup> К'аред Шандийа 8:3.

қәватә бинә у п'адшати́е бьдә дәсте Бав Хвәде. <sup>25</sup> Чьмки Әв гәрәке п'адшати́е бькә, һ'әта кӧ Хвәде һ'әму дьжмьна бькә бьне п'ийед **Ви**\*. <sup>26</sup> Дьжмьне хьлазийе кӧ we к'оке ле бинә, мьрһн хвәха йә, <sup>27</sup> чьмки нь-висар дьбежә: «Хвәде һәр тышт бьне п'ийада ельми<sup>ф</sup> **Ви** кьр». Ле гава те готһне «һәр тышт» ельми **Ви** кьр, фә'мдари йә, пештьри **Ви** Хвәдеи, Йе кӧ һәр тышт ельми **Ви** кьр\*. <sup>28</sup> У гава һәр тышт ельми **Ви** бһн, һһнге Кӧр' Хвәха жи we ельми **Ви** Хвәдеи бә, Йе кӧ һәр тышт ельми **Ви** кьр, вәки һәр тыштида Әв бьбә Хвәдеи һәр тышти.

<sup>29</sup> Вәки дһн готи, әвед кӧ бона мьрийа тенә ньхӧмандьне we чь бькһн? Һәгәр мьрийе т'ӧ шар р'анәбһн, иди чьма бона мьрийа тенә ньхӧмандьне? <sup>30</sup> Чьма әм жи һәр гав хвә давежһнә сәр села сор? <sup>31</sup> Әв фьр'нақбуна мһн шә'дә йә, хушк-бьрано, йа кӧ әз пе

вә фьр'нақ дьбьм йәкти́а Мәсиһ Исайте Хӧдане мәда, әз һәр р'ож дәст жь ә'мьре хвә дьк'ьшиньм. <sup>32</sup> Һәгәр мһн Әфәседа шәр'е хвә дәрәша мәрвьайеда т'әви «сә'ва» кьр, чь к'әтә к'исе мһн? Һәгәр р'абуна мьрийа we т'ӧнәбә, дә иди «әм бьхвһн-вәхвһн, чьмки әме сьбе бьмьрһн»\*, чава һһнәк дьбежһн. <sup>33</sup> Нәхапһн! «Һәвалти́а хьраб мәрвеве хвәйип'әргал хьраб дькә»\*. <sup>34</sup> Р'аст бьфькьрһн, сәр һ'ыше хвәда вәрһн, иди гӧна нәкһн, чьмки һһнәк жь вә һе Хвәде нас накһн, әз ве йәке дьбежьм, кӧ һун шәрм бькһн.

**Қальбе нуйи  
пәй р'абуна мьрһнер'а**

<sup>35</sup> Ле бәле йәке бежә: «Мьри чава дькарһн р'абһн у қальбе вәне чава бә?» <sup>36</sup> Сәре ақьл! Әв т'охьме кӧ тӧ дьчини, һ'әта «нәмьрә» жийинер'а шин набә. <sup>37</sup> У әв тыште кӧ тӧ дьчини, нә кӧ ви қальби дьчини, к'ижан

\* <sup>15:25</sup> Зәбур 110:1.

\* <sup>15:27</sup> Зәбур 8:6.

\* <sup>15:32</sup> Ишайа 22:13; 56:12.

\* <sup>15:33</sup> Әва готһнәкә йәки йунан ә, наве ви «Мәнандәр», бәри Иса жь сала 342-а һ'әта сала 291-а һәбу.

кӧ we бьгънижә, ле һ'әбәкә садә йә, мәсәлә гәнъм, йан жи жь т'охьмед майин. <sup>38</sup> У Хвәде қальб дьдә wi т'охьми, чава кӧ дьхвазә у һәр т'охьмәк қальбе хвә дьстинә. <sup>39</sup> Һ'әму қальб хун-гоштәк ниньн, қальбе мерьв башқә йә у қальбе һ'әйвен башқә, йе тәйрәда башқә йә, йе мә'сийа жи башқә. <sup>40</sup> Қальбед ль ә'змен жи һәнә, қальбед ль дьне жи һәнә, ле р'әwша йед ә'змен башқә йә у йед дьне башқә. <sup>41</sup> Р'әwша тә'ве башқә йә, р'әwша һиве башқә у р'әwша стәйрка жи башқә йә у һәр стәйркәк бь р'әwша хвә жь һәв тенә фьр-қикьрьне. <sup>42</sup> Бь ви авайи жи р'абуна мьрийа йә: Қальбе дерьс те чандьне, йе нәдерьс we р'абә. <sup>43</sup> Әw бер'әwш те чандьне, бь р'әwше we р'абә, әw бет'ақәтийе те чандьне, бь қәwате we р'абә. <sup>44</sup> Қальбе бинбәр те чандьне у қальбе р'ӧһ'ани we р'абә.

Чава кӧ қальбе бинбәр һәйә, ӧса жи қальбе р'ӧһ'ани һәйә. <sup>45</sup> Аһа жи ньвисар ә: «Мәрьве пешьн Адәм<sup>ф</sup>, бу бинбәрәки

сах»\*, ле Адәме пашьн бу р'ӧ-һ'әки жийиндаине. <sup>46</sup> Ле бәле пешийе йе р'ӧһ'ани нәбу, ле йе бинбәр, паше йе р'ӧһ'ани. <sup>47</sup> Мәрьве пешьн жь хвәлийа ә'рде бу, мәрьве дӧда жь ә'змен бу. <sup>48</sup> Чава йе жь хвәлийе бу, ӧса жи йед жь хвәлийе нә, чава йе жь ә'змен ә, ӧса жи йед жь ә'змен ьн. <sup>49</sup> У мә чава кьрасе йе жь хвәлийе ль хвә кьрийә, әме ӧса жи кьрасе йе жь ә'змен ль хвә кьн.

<sup>50</sup> Готьна мьн әв ә хушк-бь-рано, wәки хун у гошт ль П'адшатийа Хвәде нькарьн war бьн, нә жи дерьсбун we ль нәдерьсбуне war бә. <sup>51</sup> К'а бьбьһен, әз сӧр'әке wәр'а бе-жьм: Әм һ'әмуйе нәмьрьн, ле әм һ'әмуйе жи бенә гӧһастьне\*, <sup>52</sup> ньшкева, чава ч'ә'ве хвә бьгьри-вәки, дәма бор'ийа ахьрийе бе ледане. Чьмки гава бор'и бе ледане, мьри we нәдерьсбуйи р'абьн, әме жи бенә гӧһастьне. <sup>53</sup> Чьмки гәрәке әви дерьс нәдерьсийе ль хвә wәргьрә у әви мьри нәмьрийе ль хвә wәргьрә. <sup>54</sup> Ле гава әви дерьс нәдерьсийе ль хвә

\* 15:45 Дәстпелун 2:7.

\* 15:51-52 Т'есалоники I, 4:14-17.

вэргьрэ у эви мьри нэмьри-  
йе ль хвэ вэргьрэ, һынге эв  
готьне бе сери, кө нъвисар э:

«Сэрк'этьне мьрын һ'уфи  
хвэ кър»\*.

55 «Мьрын, к'ане қиле жэ'ра  
тэ?

Мьрын, к'ане сэрк'этьна  
тэ?»\*

56 Қиле мьрыне гөнэ йэ у қә-  
вата гона жь Қануне йэ. 57 Ле  
шькър жь Хвэде, кө эм бь  
дэсте Хөдане мә Иса Мәсиһ  
сэр хьстьн.

58 Ава хушк-бьрайед мьнэ  
дэлал, қәвин бьминьн, жь  
щийе хвэ нәһ'эжьн, һэр гав  
шьхөле Хөданда пешда һэр'ьн,  
бьзаньбьн хэбата вэ бош-бә-  
тал нинэ ль бэр Хөдан.

### Бона к'омэкт'опкьрыне

**16** <sup>1</sup> Ле ньһа дэрһәқа к'о-  
мэкт'опкьрына бона  
щьм'э'та Хвэде, мьн чава т'эми  
да щьвинед Галатйайе, һун  
жи өса бькьн: <sup>2</sup> Һэр йэкшәм,  
дэсте жь вэ һэр кәсива чьқас  
те, бьра тыштәки дәсте хвэр'а  
паш хә, нәбә кө гава эз бем,  
һынге бе т'опкьрыне. <sup>3</sup> У гава

эз бем, һун жи р'е к'ижанар'а  
дьбиньн, эзе пе дәсте ван, бь  
ньвисар п'ешк'ешед вэ быши-  
ньмэ Оршәлиме<sup>ф</sup>. <sup>4</sup> У һэгәр  
мьнр'а жи бьк'эвә, кө эз һә-  
р'ьм, иди әве т'эви мьн бен.

### Т'ьвдиред Павлос

<sup>5</sup> Пәй чуйина қәза Мәкә-  
донйайер'а, эзе сәрики ль  
вэ хьм, чьмки эзе Мәкәдон-  
йайер'а дәрбаз бьм. <sup>6</sup> Дьбә  
кө ль щәм вэ бьминьм, йан  
жи зьвьстана хвэ вьр дәрбаз  
кьм у һынге һун дькарьн мьн  
вэр'екьн, эз к'ода кө һэр'ьм.  
<sup>7</sup> Чьмки эз ньһа нахвазьм кө  
вэ сэр р'ийа хвэ бьбиньм  
һэр'ьм, ле эз гөман ьм кө хе-  
ләке щәм вэ бьминьм, һэгәр  
Хөдан һ'ыз бькә. <sup>8</sup> Ле ньһа эзе  
һ'эта Р'ожа<sup>ф</sup> Пенцийә һ'эсаб,  
ль Әфәсе бьминьм, <sup>9</sup> чьмки  
дәргәһәки херейи мэзьн ль  
бэр мьн вәбуйә у пәйк'этийед  
мьн гәләк ьн.

<sup>10</sup> Һэгәр Тимот'ейо бе щәм вэ,  
өса бькьн кө әв жь вэ вәнәк'ь-  
шә, чьмки әв жи бона Хөдан  
дьхэбьтә, чава эз. <sup>11</sup> Өса бьра  
тө кәс ви бәқәдър нәкә. Ви бь

\* 15:54 Ишайа 25:8.

\* 15:55 Һосәйа 13:14.

хер-съламѣт вѣр'екън, вѣки бе шѣм мьн, чьмки ѣз нивийа ви у бьрайед т'ѣви ви мѣ.

<sup>12</sup>Ле дѣрһѣа Аполойе бьра-да, мьн гѣлѣки лава же кьр, кѣ т'ѣви бьра сѣр вѣда бьһата, ле нета ви һатьне ньһа қѣт т'ѣнѣбу, ле ве бе, гава мѣщал бьк'ѣве.

### Готьнед ахьрийе

<sup>13</sup>Һ'ьшйар бьминьн, бавѣри-йеда һ'имгьрти бьн, ѣ'гит бьн, бьшьдьн, <sup>14</sup>бьра һѣр кьрнед вѣ бь һ'ѣзкьрне бьн.

<sup>15</sup>Ньһа һун заньн кѣ Стефанас мала хвѣва бавѣрмѣндед қѣза Ахайайейѣ пешьн ѣ у ван хвѣ данѣ хьзмѣтк'арийа щьм-ѣ'та Хвѣде. Иди ѣз ниви жь вѣ дькьм хушк-бьрано, <sup>16</sup>кѣ һун гѣр'а<sup>ф</sup> йед ѣсада бьн, ѣса жи

гѣр'а ван һ'ѣмуйда, йед кѣ т'ѣви шьхѣле ве хѣбате дьбьн.

<sup>17</sup>Ѵз бона һатьна Стефанас, Фортунато у Ахайико ша мѣ, баре дьле мьнда вана дѣвса вѣ гьрт, <sup>18</sup>бь ве йѣке дьле мьн у вѣ жи р'ьһ'ѣт кьрн. Қѣдье йед ѣса бьгьрн.

<sup>19</sup>Щьвинед қѣза Асйайеда ль вѣ сълав дькьн. Акила у Прьскила т'ѣви щьвина мала хвѣда гѣлѣки йѣктийа Хѣдан-да ль вѣ сълав дькьн. <sup>20</sup>Һ'ѣму хушк-бьрайед вьр ль вѣ сълав дькьн. Бь р'амусана шире һ'ѣ-лал ль һѣвдѣ сълав кьн.

<sup>21</sup>Ѵв сълав, бь дѣстньвисара мьн Павлос ѣ. <sup>22</sup>Һѣгѣр йѣк Хѣдан һ'ѣз накѣ, бьра ньфьр' ль ви бѣ. «Маранат'а\*». <sup>23</sup>К'ѣрѣма Хѣдан Иса ль вѣ бѣ. <sup>24</sup>Ѵз вѣ п'ара Мѣсйһ Иса к'ѣтийа һ'ѣз дькьм.

\* <sup>16:22</sup> «Маранат'а» бь зьмане арами те фѣ'мкьрне: «Йа Хѣдан вѣрѣ».